

四庫全書

子部

欽定四庫全書

子部
玉海卷一百三十八

詳校官中書臣張經田

主事臣祁韻士覆勘

總校官進士臣

朱

鈐

校對官編修臣

朱

攸

謄錄監生臣

魏

綿曾

欽定四庫全書

玉海卷一百三十八

宋 王應麟 撰

兵制

兵制

唐十六衛

隋十
二衛

兵志

隋

隋十二衛

曰翊衛曰驍騎衛曰武衛曰屯衛

曰禦衛曰候衛為左右皆有將軍以分統諸府之兵

每衛

各置長史錄事參軍司倉兵騎
鎧甲等參軍員軍人總名衛士
又改領左右府為左右

備身府左右監門依舊名凡十六府

唐會要唯叔十二
衛而監門千牛附

列于末 唐因隋制而損
益武德以來更革不一
大將軍各一人將軍總三十

人唐志三十二人屬官一百八十八人一云二十八置宇分部夾峙

禁省分領府兵左右領衛六十府餘五十至四十以三

衛待資廕總四千九百六十三人以折衝儲軍伍凡六

百三十四府而十六衛以總府衛之番上者臺省軍衛

文武參掌左右衛 百官志左右衛每衛各有左右上將軍各

一人從二品大將軍各一人正三品將軍各三人從三品掌宮禁宿衛凡五府及外府皆總制焉凡五府三衛及折衝府驍騎番上者受其名簿而配以職皇帝御正

殿則守諸門及內廂宿衛仗

魏末晉大玉置中衛武帝分為左右左張延師王

孝傑楊恭仁李光亮薛訥右寶軌薛萬徹蔣儼薛平韋泰王思禮裴行儉裴行儉以禮書檢校右衛李光亮

左衛兼工書每行夜自當丙夜張仁愿左衛同三品文武參用或兼于大農庶子禮部尚書職任專久張

延師薛平三十年阿史那忠四十八年左衛長史郭子儀韋湊遷右衛大將軍玄宗謂曰故事諸衛大將

軍與尚書更為之近職輕故用卿以重此官太宗紀武德四年加號天策上將五年加拜左右十二衛大將

軍驍衛掌同左右衛凡翊府之翊衛外府豹騎番上者

分配之凡分兵守諸門在皇城四面宮城內外則與左

右衛分知助鋪

漢李廣為驍騎將軍光武改屯騎為驍騎晉以為宿衛隋改左右備身為驍衛

段志玄柴紹郭孝恪何史那忠程名振長孫順德劉師立張公謹李聽郭元振

武衛掌同左

右衛凡翊府之翊衛外府熊渠番上者分配之

魏武有武衛營

魏許褚遷武衛中郎將自此始隋採諸武之名置秦瓊張仁應程知節神通薛仁貴蘇定方韋待價

威

衛掌同左右衛凡翊府之翊衛外府羽林番上者分配

之凡分兵主守則知皇城東面助鋪

屯衛後改威衛隋初置姜行本薛

萬均寶琮阿史那忠燕定方張仁愿
威衛尚可孤孫仁師右王忠嗣左
領軍衛掌同左右

衛凡翊府之翊衛外府射聲番上者分配之凡分兵主

守則知皇城西面助鋪及京城苑城諸門
魏武置中領軍曹休為之

文帝置領軍晉紀瞻陶回為領軍將軍李湛程知節
龐玉張平高柏良器竇誕執失思力契苾何力李愿

金吾衛掌宮中京城巡警烽候道路水草之宜凡翊府

之翊衛及外府飲飛番上皆屬焉師田則執左右營之

禁南衙宿衛官將軍以下及千牛番上者皆配以職
漢

中尉為執金吾隋武候吳淑張嘉祐萬福唐休璟薛
平董晉趙道興潭城裴諤范希朝婁師德李祐馬璘曲

環高崇大田布辛京果王忠嗣
舍元殿賦鹄冠魚服
良家茂族屬禁非宜金吾領之曉傳銀葉之符夜警金

吾之
漏 監門衛掌諸門禁衛及門籍文武官九品以上每

月送籍于引駕仗及監門衛以帳報內門凡朝參奏事

待詔官及繖扇儀仗出入者閱其數以物貨器用入宮

者有籍有傍

漢城門校尉隋置
李榮李勣

千牛衛掌侍衛及供御

兵仗以千牛備身左右執弓箭宿衛以主仗守戎器朝

日領備身左右升殿列侍親射則率屬以從

隋志備身
十二人掌

執千牛刀備身左右十二人掌供御弓箭
宋有千牛
刀即防身刀也後魏有備身掌御刀
竇希城王及善

同峻 及善傳除右千牛衛將軍帝曰以爾忠謹故擢
三品要職羣臣非搜辟不得至朕所爾佩大橫刀在朕
側亦知此 武德五年改左右翊衛曰左右衛府 李光弼
起家左

衛親府
左郎將 左右驍騎衛曰驍騎府左右屯衛曰左右威衛

左右禦衛曰領軍衛左右備身府曰左右府唯左右武

衛府左右監門府左右候衛 會要作
武候府 仍隋不改 丘和實
抗鄭元

時為左武侯大將軍劉師立
尉遲敬德立行恭為右武侯 顯慶五年改左右府曰左

右千牛府龍朔二年 二月
四日 左右衛府驍騎府武衛府皆

省府字左右威衛曰左右武威衛左右領軍衛曰左右

戎衛左右候衛曰左右金吾衛左右監門府曰左右監

門衛左右千牛府曰左右奉宸衛

郭宸奉宸監丞

後復曰左右

千牛衛咸亨元年改左右戎衛曰領軍衛武后光宅元

年改左右驍騎曰左右武威左右武衛曰左右鷹揚衛

神龍元年復

左右威衛曰左右豹韜

神龍元年復

左右領軍衛曰左

右玉鈐

神龍元年復

貞元二年

九月丁亥

初置十六衛上將軍

以龍功臣

左右衛以下皆有長史錄事倉曹兵曹騎曹胄曹司階

中候司戈執戟長上

會要司階中候司戈執戟並天授二年四月五日置通典縣衛武

威領軍並神龍元年置

又有奉車駙馬二都尉 六典凡兵士隸

衛各有其名左右衛兵曰驍騎武安等五十府隸之威

騎兵曰羽林宜陽等五十府隸之驍騎兵曰豹騎永固

等四十九府隸之武衛兵曰熊渠鳳亭等四十九府隸

之領軍衛兵曰射聲萬年萬敵等六十府隸之金吾衛

兵曰飲飛

六典飲飛六十六人

同軌寶圖等五十府隸之太子衛

率兵曰射乘廣濟等五府隸之司禦兵率曰旅賁郊城

等三府隸之清道率兵曰直蓋絳邑等三府隸之自兩

漢至北齊大將軍位視三公隋十二衛大將軍直為武
職位省臺之下衛事各立名簿定優劣為三等每年正
月十日送府錄一進送衛 儀衛志衙內五衛黃麾仗

左右廂各十二部十二行 杜牧作原十六衛云國家

始踵隋制開十六衛將軍總三十員屬官總百二十八

員創守分部夾峙禁省厥初歷今未始替削然自今觀

之設官言無謂者其十六衛乎本原事跡其實天下之

大命也始自貞觀中既武遂文內以十六衛蓄養戎臣

襄公鄂公之徒
並為諸衛將軍

外開折衝果毅府五百七十四以儲兵

伍或有不幸方二三千裡為寇土數十百萬人為寇兵

蠻夷戎狄踐踏四作此時戎臣當提兵居外至如天下

平一暴勃消削單車一符將命四走莫不信順此時戎

臣當提兵居內當其居內也官為將軍綬有朱紫章有

金銀千百騎趨奉朝廟第觀車馬歌兒舞女念功賞勞

出于曲賜所部之兵散舍諸府上府不越千二百人

百五

七十四府凡
有四十萬人

三時耕稼襜褕耒耜一時治武騎劍兵矢

裨衛以課父兄相言不得業他籍藏將府伍散田畝力
解勢破人人自愛雖有蚩尤為帥雅亦不可使為亂耳
及其當居外也緣部之兵被檄乃來受命于朝不見妻
子斧鉞在前爵賞在後以首爭首以力搏力飄暴交猝
豈假異畧雖有蚩尤為帥雅亦不能為叛也自貞觀至
于開元末百三十年間戎臣兵伍未始逆篡此聖人所
以柄統輕重制障表裏聖算神術也

唐五府 三衛 仗內五衛

官志親衛之府一曰親府勳衛之府二一曰勳一府二曰

勳二府翊衛之府二一曰翊一府二曰翊二府凡五府

三衛總四千九百六十三人

元和六年八月
中書奏同

每府中郎將

左右郎將各一人

郎將李適之左衛張儉右衛王忠嗣
左威衛中郎將栢良器左武衛薛

仁貴程務挺右領軍安金藏右武衛
遺右衛郎將知引駕仗金吾將軍李贇升殿不解刀呵

却之始有司以三衛執扇登殿用之奏三衛皆
趨悍不宜升陛近御座請以宦者代遂為故事 兵曹參

軍事各一人校尉各五人每校尉有旅帥二人每旅帥

各有隊正副隊正各二十人五府中郎將掌領校尉旅

帥親衛勳衛之屬宿衛者總其府事左右郎將貳馬番
上者以名簿上于大將軍而配以職武德貞觀世重資
蔭二品三品子補親衛二品曾孫三品孫四品子職事
官五品子若孫勳官三品以上有封及國公子補勳衛
及率府親衛四品孫五品及上柱國子補翊衛及率府
勳衛勳官二品及縣男以上子若孫補諸衛及率府翊
衛六典又次為親
王府執仗執乘每月番上者數千人宿衛內廡及城
門給廩食執扇三衛三百人殿中省肄習其後入官路

艱三衛非權勢子弟輒退番柱國子有白首不得進者

流外雖鄙不數年給祿廩故三衛益賤人罕趨之

貴胃華族周旋帝所如周庶子如漢郎衛注唐親衛勳衛置驃騎將軍

車騎將軍翊衛置車騎將軍武德七年改驃騎為

中郎將車騎將軍皆為郎將分左右以親衛曰一

府勳衛翊衛曰二府謂之三府衛高祖授李安遠右翊衛統軍桓彥範以

門蔭補右翊衛遷司衛主簿李光弼起家左衛親府左郎將劉師立為左親衛長孫順德劉弘基仕隋

為右勳衛姜寶誼在隋為左翊衛實靜親衛諸衛翊衛及率府親勳衛亦

曰三衛

三衛左右衛總五府長史判五府稟祿卒伍之名數倉曹掌五府文官勳考兵曹掌五府武官

宿衛番第受其名數

金

東宮亦有親勳翊三府中郎

吾引駕仗一衛六十人

將郎將掌宿衛之事

六典左右衛親勳翊及左右率

府親勳翊及諸衛之翊衛通謂之三衛擇其資蔭凡左

右衛之三衛分為五仗曰親仗供奉仗勳仗翊仗散手

仗考功郎中親勳翊衛以行能功過為三等每月各配

六十人而上下焉

周宮伯掌王宮之士庶子非王族則功臣之世漢以郎執戟宿衛唐分三

衛五

儀衛志凡朝會之仗三衛番上分為五仗號衙

內五衛每月以四十六人立內廊閣外號曰內仗會

要永徽六年褚遂良請千牛不簡嫡庶

左千牛韋侍價
左千牛備身崔

知溫右千牛
韋武王方翼

開元二十九年閏四月敕京畿采訪使中

丞張倚兼簡三衛驍騎太和四年五月兵部奏停資蔭

三衛

唐十率府 左右率 司禦率 清道率 監

門率 內率府 晉五率

官志詹事府掌統三寺十率府之政太子左右率府率

各一人副率各二人掌兵仗儀衛凡諸曹及三府外府
皆隸焉元日冬至皇太子朝宮臣諸方便則率衛府之
屬為衛每月三府三衛及五府超乘番上者配以職長
史季秋以屬官功狀上於率而為考課武德五年改左
右侍率曰左右衛率府左右武侍衛率曰左右宗衛率
府左右宮門將曰左右監門率府龍朔二年改左右衛
率府曰左右典戎衛左右宗衛率府曰左右司禦率府
左右虞候率府曰左右清道衛左右內率府曰左右奉

裕衛左右監門率府曰左右崇掖衛武后垂拱中改左

右監門率府曰左右鶴禁衛神龍元年改左右司禦率

府曰左右宗衛府左右清道衛曰左右虞候率府景雲

二年左右宗衛府復曰左右司禦率府開元初左右虞

候率府復曰左右清道率府其屬有長史錄事倉曹兵

曹胄曹騎曹參軍事司階中候司戈執戟散長上

又見東宮

類左右率府親勳翊府中郎將各一人

從四品上

左右郎將

各一人

正五品下

掌其府校尉旅帥及親勳翊衛之屬以宿

衛而總其府事兵曹參軍一人大朝會及出入則從鹵簿涖其儀太子左右司禦率府率副率掌同左右衛凡諸曹及外府旅賁番上者隸焉太子左右清道率府率副率掌晝夜巡警凡諸曹及外府直盭番上者隸焉皇太子出入則以清游隊先導後拒隊為殿太子左右監門率府率副率掌諸門禁衛凡財物器用出者有籍太子左右內率府率副率掌千牛供奉之事皇太子坐日領千牛升殿射於射宮則千牛奉弓矢立率奉弓副率

奉矢決拾以進既射左內率啓其中否

漢詹事屬官有太子衛率東漢為少傅屬官主門衛士

晉初曰中衛率泰始五年分為左右二率各領一軍

潘

釋奠頌三
率備衛

惠帝加前後一率故元康中凡四衛率成都

王為太弟又置中衛率是為五率江左省前後二率太

元中又置梁左衛率領七營右衛率領四營隋文帝始

分置十府

唐府兵 符契 折衝府 十二軍

兵志古者兵法起于井田周衰王制不復惟唐立府兵之制始一寓之於農唐二百餘年兵大勢三變始盛時有府兵府兵後廢而為彊騎彊騎廢而方鎮之兵盛其末也強臣悍將兵布天下而天子亦自置兵于京師曰

禁軍府兵之制起自西魏後周而備於隋

北史周文置十二軍簡諸

將領之通鑑隋大業二年增改左右翊衛等為十六府

唐興因之隋制十二衛曰

翊衛曰驍騎衛曰武衛曰屯衛曰禦衛曰候衛分為左右皆有將軍以分統諸府之兵府有郎將副郎將坊主

團主以相統治又有驃騎車騎二府皆有將軍

隋文帝開皇中置

後更驃騎曰鷹揚郎將車騎曰副郎將

煬帝大業二年改

別置

折衝果毅自高祖初起開大將軍府發太原有兵三萬人及諸起義以相屬與降羣盜得兵二十萬武德初始

置軍府

元年五月改隋鷹揚郎將為軍頭六月十九日改軍頭為驃騎將軍副為車騎將軍九月乙巳

始置軍府段志玄功多授樂游府車騎將軍

以驃騎車騎兩將軍府領之析

關中為十二道曰萬年道長安道富平道醴泉道同州

道華州道寧州道岐州道豳州道西麟州道涇州道宜州

道皆置府

分關內諸府統之

二年五月三年

七月十日

舊紀七
月壬申

更以萬年道為參旗軍

軍名傳奕所
造取象天官

長安道為

鼓旗軍富平道為玄弋軍醴泉道為井鉞軍同州道為

羽林軍華州道為騎官軍寧州道為折威軍岐州道為

平道軍邠州道為招搖軍西麟州道為苑游軍涇州道為

天紀軍宜州道為天節軍軍置將副各一人以督耕戰

以車騎府統之六年

二月二十日

以天下既定廢十二軍

七政

二月六日改驃騎曰統軍車騎曰別將

會要曰
副軍

居歲餘十二

軍復

以突厥為患八年五月辛亥復置

軍置將軍一人

會要三月六日以太常卿實擬

等為將軍

軍有坊置主一人以檢察戶口勸課農桑太宗貞

觀十年更號統軍為折衝都尉別將為果毅都尉諸府總曰折衝府凡天下十道置府六百三十四皆有名號

而關內二百六十有一皆以隸諸衛

官志垂拱中云云赤縣為赤府畿縣

為畿府

凡府三等兵千二百人為上千人為中八百人為

下府置折衝都尉一人左右果毅都尉各一人長史兵

曹別將各一人校尉六人

折衝都尉段秀實綏德府果毅都尉屈突詮郭曜開陽

府折衝郎將崔寧邢君牙

果毅別將曲環

果毅

王忠嗣東陽郭知運秦州三度張守珪幽州良杜劉昌

易州遂城薛仁貴雲采哥舒翰效穀王方翼朔州尚德

韋侍價盧龍王仁皎楊朝晟甘泉段秀實隴州大堆府

官志永徽中廢長史置司馬一人總司兵

士以三百

司騎二局聖歷元年廢司馬置長史兵曹

人為團圍有校尉五十人為隊隊有正十人為火火有

長火備六馱馬

初置八馱後改為六

凡火具烏布幕鐵馬孟布槽

鍾鏝鑿碓筐斧鉗鋸皆一甲牀二鑊三隊具火鑽一甬

馬繩二首羈足絆皆三人具弓一矢三十胡祿橫刀礪

石大觶檀帽檀裝行滕皆一麥飯九斗米二斗皆自備

并其介冑戎具藏于庫有所征行則視其出入而給之
其番上宿衛者惟給弓矢橫刀而已凡民年二十為兵
六十而免其能騎而射者為越騎其餘為步兵武騎排
纘手步射每歲季冬折衝都尉率五校兵馬之在府者
置左右二校尉位相距百步每校為步隊十騎隊一皆
卷稍幡展刃旗散立以俟角手吹大角一通諸校皆歛
人騎為隊二通偃旗稍解幡三通旗稍舉左右校擊鼓
二校之人合譟而進右校擊鉦隊少却左校進逐至右

校立所左校擊鉦少却右校進逐至左校立所右校復擊鉦隊還左校復薄戰皆擊鉦隊各還大角復鳴一通皆卷幡攝矢弛弓匣及二通旗稍舉隊皆進三通左右校皆引還是日也因縱獵獲各八其人其隸于衛也左右衛皆領六十府諸衛領五十至四十其餘以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬者官與其直市之每匹與錢二萬五千刺

史折衝果毅歲閱不任戰事者鬻之以其錢更市不足則一府共足之凡當宿衛者番上兵部以遠近給番五百里為五番千里七番一千五百里八番二千里十番外為十二番皆一月上若簡留直衛者五百里為七番千里八番二千里十番外為十二番亦月上先天二年詔曰往者分建府衛計戶充兵裁足周事二十一入募六十一出軍多憚勞以規避匿今宜取年二十五以上五十而免屢征鎮者十年免之雖有其言而事不克行

玄宗開元六年始詔折衝府兵每六歲一簡

通鑑開元八年二月

壬子敕以役莫重于軍府一為衛士六初府兵之置居十乃免宜促其歲限使百姓更迭為之

無事時畊于野其番上者宿衛京師而已若四方有事則命將以出事解輒罷兵散于府將歸于朝故士不失業而將帥無握兵之重所以防微杜漸絕禍亂之萌也

番調有時教閱有法統御有律團伍有籍兵雖有籍而府實空將雖有名而權實去兵將在內而京師實重制兵之術莫善于太宗及府兵法壞而方鎮盛會要武德三年

舊紀

七月十一日

舊紀

下詔曰周置六軍每習蒐狩漢

增八校畢選驍勇今伊洛猶蕪江湖尚梗各因部校序
其統屬改換鉦鐸創造徽章取象天官作其名號于是
置十二衛將軍取威名素重者為之分關內諸府隸焉

軍名傳
奕所造

關內置府二百六十一精兵士二十六萬舉關
中之衆以臨四方又置折衝府二百八十道給舊府六
百三十三河東道府額亞于關中河址之地人多壯勇
故不置府其諸道亦置每歲十一月以衛士帳上兵部
天下衛士六十萬初置以成丁而八六十出役其家不

免王徭遂漸逃散年月漸久宿衛之數不給開元六年

五月二十七日置折衝府每年一簡點十一年十一月

二十日兵部尚書張說置長從宿衛兵十萬于南衙十

三年二月二十一日號曠騎十六年二月二十五日

壬辰

改為左右羽林騎天寶八載五月九日

癸酉

停折衝府上

下魚書以無兵可交至末年折衝府但有兵額官吏而

戎器馱馬錫幙糗糧並廢寶應元年四月十七日畿縣

折衝府缺官本縣令攝判百官志三輔及近畿州都

督府皆置府凡六百三十三 通與其府多因其地各

自為名凡五百七十四

理道要訣云唐折衝府五百九十三 杜牧原十六衛云外間

折衝果毅府五百七十四上府不越一千二百人五百七十四府凡有四十萬人 陸贄上疏太宗列置府兵 八百所而關中五百舉天下不 敵關中則居重馭輕之意也

六典凡天下之府五

百九十有四有上中下皆量其遠邇以定其番第

舊志同

今以地理志考之天下有府兵五百六十六計七十
五郡關內十九郡有府二百七十三河東十五郡有府
百四十一河南河北十郡有府九十二河南六十二河

北三十山南十隴右二十九淮南六江南二劍南十嶺
南三除闕內道餘九道有府二百九十三總而計之止
五百六十六參之兵志置府六百三十四之數差互不
齊官志又云六百三十三恐地理志所載猶有缺遺

列傳鄭元璠為參旗將軍令教諸屯軍法 傅奕武德

定十二軍號皆詔奕云 錢九隴為苑游將軍 劉弘

基為井鉞將軍督步騎萬人備塞 賀魯傳詔梁建芳

等發府兵三萬擊之 高宗紀貞觀二十三年四月以

羽檄發六府甲士四千衛入京師

唐關內置府 十道置府

兵志

通鑑同

十道置府六百三十四皆有名號而關內二

百六十一皆以隸諸衛 百官志三輔及近畿州都督

府皆置府凡六百三十三 會要關內置府二百六十

一積兵士二十六萬舉關中之衆以臨四方 地理志

太宗元年分天下為十道關內道京兆府

雍州

有府百三

十一其名存者十一真化至太清餘皆逸華州有府二

十普樂至懷仁同州有府二十六濟北至效誠商州不

府二洵水玉京鳳翔府

岐州

有府十三岐山至山泉邠州

有府十嘉陽至宜山右京畿採訪使治京城隴州有府

四大堆至臨沂涇州有府六涇陽至仁賢原州有府二

彭陽安善寧州有府十一彭池至永寧慶州有府八龍

息至永安鄜州有府十一洛昌至安吉坊州有府五杏

城至安臺并州有府五宜城至長松延州有府七敦化

至金明靈州有府五武略至萬春鹽州有府一鹽川夏

州有府二寧朔順化綏州有府四伏洛至大斌右關內

採訪使

按兵志關內置府二百六十一陸贄謂關中五百今以地理志攷之自京兆至綏州置府凡二

百七十有三
差互不同

河南道河南府

洛州

有府三十九武定至軒

轅汝州有府四龍興至郟城陝州有府十五曹陽至古

亭號州有府四鼎湖至開方河東道河中府

蒲州

有府三

十三興樂至六軍晉州有府十五神山至仁德絳州有

府三十三新田至蒲邑慈州有府三件城至平昌隰州

有府六隰川至屈產太原府

井州

有府十八興政至文谷

汾州十二嘉善至清勝沁州二延雙安樂遼州三遼城
至龍城嵐州一嵐山石州二離石昌化忻州四秀容至
定襄代州三五臺至鴈門潞州一戡黎澤州五丹川至
白澗河北道懷州有府二丹水吳澤易州九遂城至龍
水幽州十四呂平至咸寧平州一盧龍媯州二密雲白
檀薊州二漁陽臨渠山南道江陵府荆州有府一羅含夔
州一東陽襄州一漢津均州一至誠金州一洪義興元
府梁州一麗水鳳州一歸昌成州一平陰扶州二安川會

川隴右道秦州有府六成紀至長川渭州四渭源至萬
年蘭州二金城廣武洮州一安西岷州三祐川至和政
疊州一長利宕州二同歸常吉涼州六明威至姑臧沙
州三龍勒至懸泉瓜州一大黃淮南道揚州有府四江
平至邗江和州一新川安州一義安江南道越州有府
一浦陽潭州一長沙劍南道成都府有府三威遠至二
江彭州二天水唐興蜀州三金堰至灌口漢州一玉津
邛州一興化嶺南道廣州有府二綏南番禺貴州一龍

山六典凡關內團結兵京兆府六千三百二十七人
同州六千七百三十六人華州五千二百二十三人蒲
州二千七百三十五人選強壯免征賦舊書職官志
兵部郎中凡左右金吾衛有角手諸衛有弩手左右羽
林軍有飛騎及左右萬騎彊騎天下諸軍有健兒皆定
其名籍每季上中書門下凡關內有團結兵秦成岷渭
河蘭六州有高麗羌兵黎雅邛翼茂五州有鎮防團結
兵

隋書開皇十年五月乙未詔曰魏末役車歲動未遑休息權置坊府南征北伐居處無定朕甚愍之凡軍人可

悉屬州縣墾田籍帳一與民同軍府統領宜依舊式罷

山東河南及北方緣邊之地新置軍府

按李繁家傳載蘇綽初置府兵

與此利害優劣殊不同蓋綽雖創始而地狹民寡而加以長征不歸未得盡行其說至是乎陳乃脩成法葉氏曰未立府兵之前兵農本未嘗相離何待寓也唯好戰不思民失耕作無以轉餉則國貧而兵弱宇文蘇綽患其然始令兵農各籍不相牽綴既棘府額長征莫返而居者晏然不知緣此國富兵強隋大因之平一宇內徒以兵農判而為二故也豈必高

鄴侯家傳

鄴侯李泌也

上訪及安危曰朕欲復府兵之制如何對曰初置府兵於西魏大統中周文帝與度支尚書蘇綽之謀也自三代之後無與為比雖戰國之教士武卒技擊皆不及時西魏之境自陝而有關中及隴右河西而已東魏河北河南三道殷實富彊而自襄鄧蜀漢皆屬于梁初置府不滿百每府有郎將主之而分屬二十四軍每軍以開府一人將焉每二開府屬一大將軍二大將軍屬一柱國大將軍仍加號持節大都督以統之時皇家太祖景

皇帝

李虎

為少師隴右行臺僕射隴西公與臣五代祖弼

太保大司徒趙郡公及大宗伯趙貴大司馬獨孤信大

司寇于謹大司空侯莫陳崇等六家主之是為六柱國

共有衆不滿五萬初置府兵而東魏霸相高歡大舉來

伐周太祖時為大丞相總百揆太師冢宰奉魏帝掃境

內以敵之除守禦之師共有衆三萬戰于沙苑臣五代

祖為右軍以師七千伏渭曲歡大敗遂取東魏河東汾

絳之地後又得梁之蜀漢襄鄧及漢東周受魏禪後竟

平北齊滅梁于江陵破陳吳明徹于邗溝陳氏所保江南而已初置府兵皆于六戶中等以上家有三丁者選材力一人免其身租庸調郡守農隙教試閱兵仗衣馱牛驢及糗糧旨蓄六家共備撫養訓導有如子弟故能寡尅衆隋受周禪九年而滅陳天下一統皆府兵之力也時晉王與楊素等凡十八人總管率師五十萬伐陳而臣五代祖衍與弟椿姪寬皆為總管以平之後北破突厥西滅吐谷渾南取林邑東滅流求皆府兵也隋以

府兵分隸于左右十二衛及東宮率府置衛大將軍一人將軍二人即開府之任也而柱國為勲官皇朝因之平定天下貞觀中北滅突厥延陀列州府至翰海西取龜茲等城郭諸國置二庭盡臣西域君長滅吐渾已而復之降羌党項為三十六州高宗東滅高麗百濟遷其人於中國列其地為州縣以新羅為雞林都督府以波斯為大疾陵都督府亦府兵也自置府兵未有能以之外叛內侮及殺帥自擅者自廢以來召募長征健兒而

祿山得以為亂至今不定復之為便府兵之制史冊不甚詳臣家自西魏以來代掌其任臣高祖仲威從神堯入長安為左屯衛將軍兼主太原從義之師於龍首監總南北禁軍之任所以臣家備知上曰何因廢之對曰初置府兵西魏周隋用之皆利及太宗之時每府番上必引于殿庭親自教射加以賞賜由是用之所向無敵自初屬六柱國家及分隸十二衛皆選勲德信臣為將軍有事則命總之出征故撫綏訓練備至以取功名又

太宗明于知人拔用諸蕃酋渠執失思力契苾何力阿
史那社爾等委爪牙之任皆為名將不愧由余日磾時
出征多不逾時遠不經歲而能尅捷高宗始以劉仁軌
為洮河鎮守使以圖吐蕃於是始屯軍於境而師老厭
戰矣後以李敬玄為鄯城鎮守使而敗十八萬于大非
川時承平既久諸衛將軍自武太后之代多以外戚無
能者及降虜處之而衛佐之官以為蕃上府兵有權朝
要子弟解褐及次任之美官又多不旋踵而據要津將

軍畏其父兄之勢恣其所為自置府以其蕃上宿衛禮
之謂之侍官言侍衛天子也至是衛佐悉以借姻戚之
家為僮僕執役京師人相詆訾者即呼為侍官時關東
富實人尤上氣乃恥之至有熨手足以避府兵者蕃上
者貧羸受僱而來由是府兵始弱矣時人為諺曰將軍
大曠騎衛佐小郎官是也將率相固為衛佐下視矣玄
宗時奚契丹兩蕃強盛數寇河北諸州不置府兵蕃上
以備兩蕃諸道共六百三十府上府管兵千二百次千

下八百通計約六十八萬右左衛各領府六十餘衛領
府自五十下至四十七東宮六率領多至六少至三而
已隋謂之鷹揚府皇朝改為折衝府折衝樽俎之間旋
師衽席之上也改郎將為都尉又置果毅都尉二人為
之副及別將一人全府名發則折衝都尉已下偕行不
盡則果毅行少則別將行每發及皆下符契于本州及
府刺史與折衝勘契而發之而給其食券至幕所期處
驗其藝非精士不教習則罪其折衝甚則加罪州牧有

功而回入塞便道策勳加賞而罷之開元中玄宗將東封告成納裴光庭之策欲北幸太原揚師服狄而府兵寡弱張說為相乃請下詔募士但取材力不問所從來旬月之間募者十三萬玄宗大悅遂以曠騎名後以左右神武軍與龍武羽林備六軍之數乃幸太原遣使告突厥東封召其大臣扈從自是府兵之闕漸不復補其戍邊者舊制三年而代後以勞於途路乃募能更住三年者賜物二十段謂之召募遂令諸軍皆募謂之健兒

開元末李林甫為相又請諸軍名募長征健兒以息山東兵士於是師不土著無家族之顧將帥脅一時之令而偏裨殺帥自擅之兆生矣及河西節度牛仙客為工部尚書同三品于是邊將競効積財以求恩矣及哥舒翰攻石堡發朔方河東四道之師十六萬三千以攻之殺傷殆盡關東之人西戍者邊將利其死而沒入輕齎之資故戍卒自天寶後迴歸者無一二其虐如是而不敢怨叛以取之土著恐累親族也山東之人至今為賊

用懲天寶之苦一失兵柄至今不復若使高宗以來宰相得人安不忘危待府兵不失舊章安有叛臣賊子哉
陛下謀及此太平有日矣上曰今已有神策六軍如何
對曰府兵為衛士神策等為禁軍漢亦有南北及羽林
孤兒禁軍即北軍隋衛士之外亦有驍果營國初太原
從義之師願留宿衛為心膂不歸者六萬於渭北白渠
之下七縣絕戶膏腴之地分給義師家為永業於縣下
置太原田以居其父兄子弟于龍首監置營以處并蒸

臣高祖起第於監內謂之元從禁軍義寧元年初下京
城為右驍衛將軍主之貞觀初以尉遲敬德權領後二
年復入領焉畧轉右衛大將軍主禁旅凡二十年太宗
乃以元從軍為龍武分為左右置將數員分掌之初高
祖好畋獵於元從揀善射者百人分兩番于北門長上
從獵謂之百騎太宗時亦然衣以五色賞賜優厚高宗
時漸衆改為千騎于北門別置營壘猶統龍武軍武太
后朝召入轉多改為萬騎而名羽林軍分左右置將軍

員如龍武羽林盛而龍武衰初元從軍老及缺必取其家子弟鄉親代之謂之父子軍及置羽林萬騎但取材藝燕公請募曠騎之後以為神武軍衰矣玄宗幸蜀六軍扈從者千人而已肅宗赴靈武不滿百人時朔方全軍子儀領之東討初即位之後衆纔數千後置元帥府收其子弟有衆三萬分番于行在宿衛時擇善馬射者數百人謂之供奉射生官中貴監之以備出入翊從及收復京師龍武等六軍之士存而復上者共不滿萬思

明陷東都也元帥府兵多鎮於陝州神策軍者本河州西境磨環川之軍號也中尉魚朝恩監之以衆七百赴難屯於陝而朝恩都監在陝之師代宗即位程元振并監元帥府禁軍先皇幸陝朝恩以在陝之師迎駕及還京師遂為禁旅都以神策為號以朝恩為觀軍容使領之上曰八柱國言六家何也對曰其時周文帝是謂霸朝非人臣也廣陵王欣元氏懿戚位太傅太宗師從容禁閨而已其總戎蓋六家也上曰軍戎之制非卿家累

代腹心之地他人無因知待平河中後當與卿籌畫云
對曰盡聽臣言不減戍兵軍食必辦府兵亦集上曰如
何對曰關東之師約三年而代今始一年矣給荒地牛
種農具而官為之糴每人所獲不啻絹百匹年將滿下
詔有願住者給所開地為永業家口願來令州府給長
牒續食不二三更代則關中已實不假征戍矣因遂以
為府兵移舊府名即而置之分隸京師諸軍諸衛有寇
則以符契發付邊將無寇分番宿衛府兵成矣上曰此

乃神謀也

詔下種麥之事軍人願者十有五六
貞元二年德宗與李泌議復府兵泌歷叙西

魏以來興廢之由上曰俟平河中當議之三年七月問
泌以復府兵之策泌請募戍卒屯田舊制三年而代及
其將滿下今有願留者即以所開田為永業不過數畝
戍卒皆土著乃悉以府兵之法理之既而願耕者什五
六杜牧曰府兵內劇邊兵外作戍臣兵伍湍奔矢往
內無一人尾大中乾成然偏重本朝熙寧二年閏十
一月問府兵之制曰何處言府兵最備王安石曰李鄴
侯傳言之詳備宋祁言唐時出師每十為五馱法馬
牛任從所便什物錫募之類皆具師行萬里無所缺乏
乞檢求唐馱募法議可復與否或曰宇文周制府衛法
七家共
出一兵

方鎮表高祖太宗之制兵列府以居外將列

衛以居內有事則將以征伐事已各解而去兵者將之

事也使得以用而不得以有之

唐南北衙兵 北衙六軍 羽林軍 龍武軍

神武軍 元從禁軍 北衙七營 左右屯

營 百騎 千騎 萬騎 飛騎

兵志夫所謂天子禁軍者南北衙兵也南衙諸衛兵也
北衙禁兵也初高祖以義兵起太原已定天下悉罷遣
歸願留宿衛者三萬人高祖以渭北白渠旁民弃腴田
分給之號元從禁軍後老不任事以其子弟代謂之父

子軍及貞觀初太宗擇善射者百人為二番於北門長

上曰百騎以從田獵又置北衙七營選材力驍壯月以

一營番上十二年

十一月三日丁未

始置左右屯營於玄武門

領以諸衛將軍號飛騎

通典貞觀十二年左右屯衛始置飛騎舊紀貞觀十二年六

月庚子初置玄武門左右飛騎龍朔二年改左右威衛而別置左右屯營尋改屯營為羽林阿史那社爾傳

太宗詔檢校北門左屯營契苾何力傳有詔宿衛北門檢校屯營事紀貞觀十七年閏六月丁巳詔皇太

子與左右屯營兵會要開元十年九月二十七日敕在京左右屯營宜於順義景風門內置北衙為兩營一

營大明北門安置一營大內北門安置駕在東都左右屯營于賓曜右掖門內安置兼于玄武門北門左右廂繞

宮城分宿衛開元二十年七月勅裴光廷蕭嵩分押左右廂兵六典凡車駕在京南北街置左右屯營別立

使以充之在都則京城亦如之先天其法取戶二等二年正月詔羽林飛騎於衛士簡補

以上長六尺濶壯者試弓馬四次上翹闕舉五負米五

斛行三十步者姜行本傳太宗選越才衣五色袍乘六閑馬直營屯宿衛仗內號曰飛騎每出

巡幸即以從拜行本為左屯衛將軍分典之敬君弘傳以屯營兵守玄武門薛仁貴壯門長上薛萬均

會要元和二年正月敕左右羽林軍復擇馬射為百騎月番飛騎五千六百一十三人宜停

通典十三年于飛騎中擇曉健善射者為百騎衣五色袍乘六閑馭馬虎皮鞞

為游幸翊衛高宗龍朔二年始取府兵越騎步射置左

右羽林軍大朝會則執仗以衛階陞行幸則夾馳道為

內仗

會要垂拱元年五月二十七日置左右羽林軍領羽林郎六千人天授二年二月三十日改左右羽

林衛神龍元年二月四日改羽林軍李多祚以右羽林大將軍領北門衛兵誅二張景龍元年九月二十七日改左右羽林騎衛景雲元年八月二十五日癸卯復為羽林軍天寶七載七月二十日勅左右羽林飛騎以一萬五千人為定額六番上下乾元元年十月四日勅羽林軍同金吾四衛元和二年正月勅羽林軍應管月番飛騎總五千六百一十二人宜停桓彥範傳張柬之引彥範敬暉為左右羽林將軍屬以禁兵神龍元年正月率羽林兵與將軍湛多祚楊元琰等千騎五百人討賊程務挺檢校左羽林軍張延師典羽林兵三十年尉羽林軍宿衛

武后

永昌元年十月二十八日

改百騎為千騎

田歸道為

左金吾押千騎宿衛玄武門

睿宗

景雲元年九月二十七日壬戌

又改千騎曰萬騎

分左右營

通鑑中宗景龍元年九月壬戌改萬騎

及玄宗

景雲元年六月庚子

以萬

騎平章氏改為左右龍武軍以萬騎營隸焉

郭侯家傳太宗以元

從軍為龍武分左右置將軍四員掌之高祖好獵擇善射者百人兩番于北門長上從獵謂之百騎太宗時亦然衣以五色賞賜甚重高宗百騎漸衆乃改為千騎而於北門置營謂之千騎營猶統於龍武軍武后朝召八將多又改為萬騎而名羽林軍分左右置皆用唐元功

臣子弟制若宿衛兵是時良家子避征戍者亦皆納資

隸軍分日更上如羽林

會要開元二十六年十一月五日折左右羽林軍置龍武軍通

典舊紀亦同或云二十七年五月二十七日通鑑開

元十六年二月壬辰改彊騎為左右羽林軍飛騎至德

二年郭英又為羽林大將軍掌衛兵開元十二年詔左右羽林軍飛騎關

取京旁州府士以戶部印印其臂為二籍羽林兵部分

掌之末年禁兵寢耗及祿山反天子西駕禁軍從者裁

千人肅宗赴靈武士不滿百及即位稍復調補北軍李光

進將北軍自至德後至德二載會要三年十二月二十四日置左右

掌禁兵委以心膂

神武軍補元從扈從官子弟不足則取他色帶品者同

四軍亦曰神武天騎制如羽林總曰北衙六軍六典凡車駕在

次定四軍全書

玉海

三十二

京即東都南北衙皆置左右屯營別立使以充之若車駕在都則京城亦如之又擇便騎射者

置衙前射生手千人亦曰供奉射生官又曰殿前射生手分左右廂總號曰左右英武軍肅宗乾元元年李輔國請選羽林騎士五百備徼巡李揆曰漢以南北軍相制朝廷置南北衙文武區處以相伺察今用羽林代金吾巡警忽有非常何以制之遂罷官志左右羽林軍有大將軍各一人將軍各三人掌統北衙禁兵督攝左右廂飛騎儀仗番上者配其職長史錄事參軍倉曹

曹參軍司階中候司戈執戟長上

軍有羽林用法星象左羽林張知謩李

晟景畧

右羽林薛訥楊元

左右龍武軍大將軍各一

琰張說李抱玉張守珪獻恭

人統軍各一人將軍三人掌同羽林注景雲元年置龍

武將軍興元元年

正月二十九日辛丑

六軍各置統軍秩從文二

品貞元三年龍武加將軍一員

以待諸道大將軍有功者左羽林統軍

陳楚

右羽林統軍孟元陽高固

左龍武統軍戴休

顏張茂宗劉昌裔

右龍武統軍張伯儀韓游瓌

龍武哥舒曜薛平

右龍武李觀自良今狐建為右

龍武軍使帝幸奉天建方肆士射遊以四百人從

觀為龍武將軍領兵千餘

左右神武軍有大將軍各一

尾奉天詔增募五千人

上海

人將軍三人總衙前射生兵

左神武康承訓今狐建

注開元二十

六年分羽林置神武軍尋廢至德二年復置左右龍武

左右神武左右神策號六軍貞元二年

九月丁亥

神策軍置

大將軍將軍十四年

八月

置統軍品秩同六軍

韓游瓌傳帝以衛軍

無職局軍置統軍一員以游瓌論惟明賈隱林為之德宗自興元還興元元年正月二十九日辛丑置六統

軍視六尚書以處功臣除制用白麻付外貞元十二年六月後以鄭絀言罷之命中書降敕會要廣德二年

正月神武軍等各八千五百人羽林各二千人為定額

兵志段秀實見禁兵寡

弱疏曰天子萬乘諸侯千乘大夫百乘蓋以小制大十

制一也尊君卑臣強幹弱枝之道今禁兵不精後有猝
故何以待之

唐左右十軍 寶應軍 左右神策軍 神威
軍 內外八鎮兵 天策府

兵志上元中

元年八月庚午

以北衙軍使衛伯玉為神策軍節

度使鎮陝州中使魚朝恩為觀軍容使監其軍初哥舒

翰破吐蕃臨洮西之磨環川

天寶十三載七月癸丑

即其地置神

策軍以成如璆為軍使及祿山反如璆以伯玉將兵千

人赴難伯玉與朝恩皆屯於陝時邊土陷威神策故地
淪沒即詔伯玉所部兵號神策軍以伯玉為節度使與
陝州節度使郭英乂皆鎮陝其後伯玉罷以英乂兼神
策節度使英乂入為僕射軍遂統於觀軍容使代宗即
位以射生軍入禁中清難皆賜名寶應功臣故射生軍
又號寶應軍廣德元年十月代宗幸陝朝恩舉在陝兵與
神策軍迎扈悉號神策軍天子幸其營及京師平朝恩
遂以軍歸禁中自將之然尚未與北軍齒也永泰元年

九
月吐蕃復入寇朝恩又以神策軍屯苑中自是寢盛分

為左右廂勢居北軍右遂為天子禁軍非他軍比朝恩
乃以觀軍容使知神策軍兵馬使大厯四年請以京兆
之好時鳳翔之麟游普潤皆隸神策軍明年復以興平
武功扶風天興隸之又用愛將劉希暹為神策虞候五
年三朝恩得罪以希暹代為神策使是歲希暹得罪以
朝恩舊校王駕鶴代將十數歲德宗即位以白志貞代
之是時神策雖處內而多以裨將將兵征伐往往有功

及李希烈反河北盜且起數出禁軍征伐神策之士多
闕死者建中四年下詔募兵以志貞為使蒐補峻切郭
子儀之壻端王傅吳仲孺殖貲累巨萬以國家有急不
自安請以子率屬奴馬從軍德宗喜甚為官其子五品
志貞乃請節度都團練觀察使與世嘗任者家皆出子
弟馬奴裝鎧助征授官如仲孺子及涇軍潰變志貞等
流貶神策都虞候李晟與其軍之他將皆自飛狐道西
兵赴難遂為神策行營節度屯渭北軍遂振貞元二年

九月二日丁亥改神策左右廂為左右神策軍特置監局當左

右神策軍以寵中官而益置大將軍以下二人將軍二人又改

殿前射生左右廂曰殿前左右射生軍亦置大將軍以

下會要興元尅復歲出鎮鳳翔始分神策為左右廂今內臣實文場王希進分知兩廂兵馬三年詔

射生神策六軍將士府縣以事辨治者勿輒捕云四年

會要三年四月十七日乙未改殿前左右射生軍曰左右神威軍實錄

作神武軍置監左右神威軍使左右神策軍皆加將軍二員

左右龍武軍加將軍一員以待諸道大將有功者德宗

幸梁還以神策兵有勞皆號奉天定難功臣自肅宗以
後北軍增置威武長興等軍名類多而廢置不一惟羽
林神武龍武神策神威最盛總曰左右十軍矣塞上稱
神策行營皆內統于中人其軍乃至十五萬貞元十四
年八月詔左右神策置統軍以崇禁衛元和二年省神武
軍明年正月又廢左右神威軍合為一曰天威軍八年
廢天威軍以其兵騎分隸左右神策軍穆宗欲復立此
軍以為心腹謀於裴度以為不便遂止

劉黃曰夏官不
知兵籍止奉朝

請六軍不主武事止養階勲軍容
合中官之政戎律附內臣之職

官志左右神策軍

大將軍各一人統軍各二人將軍各四人掌衛兵及內

外八鎮兵有護軍中尉中護軍判官左右龍武神武神

策號六軍貞元二年九月二日置大將軍將軍十四年八月置

統軍大將軍康志睦段佑劉沔將軍郝廷玉始殿

統軍范希朝 都將李晟 將劉沔 蘇玄策

前左右神威軍元和三年正月合為天威軍八年廢以

軍隸神策有馬軍步軍將軍及指揮使等以馬軍大將

軍知軍事天復三年廢神策軍四年復置會要元和三年正月詔普

潤鎮兵馬使隸左神策良原鎮兵馬使隸右神策光啓元年四月以田令牧為左右神策十軍使令牧募新軍五十四都每都千人左右神策各二十七都分為五軍令牧總之帝坐之西星文昭晰鈞陳之北武旅森列

列傳哥舒翰傳天寶十二載破吐蕃洪濟大莫門等

城收黃河九曲以其地置洮陽郡築神策宛秀二軍

通鑑

十三載七月癸丑翰奏置神策軍會要十三載七月十九日詣置軍以成如璆為太守充神策軍使去臨洮郡二百餘里宛秀軍以臧奉志充使衛伯玉傳領神策兵馬使出鎮陝州

行營乾元二年破賊將遷羽林大將軍俄為神策軍節

度使 蔣乂傳貞元十八年詔問神策軍建置本末中

書討求不獲集賢學士悉無以對乃訪又條據甚詳宰相曰集賢有人哉 陸贄奏議伐叛請益師于是選神策銳卒以繼之而李晟往矣神策六軍之兵繼出關外栢良器傳為左神策大將軍知軍事募材勇以代市販者中尉竇文場惡之換右領軍衛自是軍政皆中官專之 馬存亮傳進左神策中尉軍所籍凡十餘萬料東尤精伍無罷士部無冗員 范希朝傳王叔文用為右神策統軍充左右神策行營節度使屯奉天以韓泰

為副因欲使泰代之會不能得神策軍而罷 王鏐為
鴻臚少卿悉籍名王以下四千人蓄馬二千奏皆停給
宰相李泌盡以隸左右神策軍以酋長為牙將 李鄜
傳為鳳翔隴右節度使是鎮常兼神策行營前此用武
將始受詔詣軍修謁鄜不可詔為去神策行營號 李
絳傳吐蕃犯涇州絳因言濱塞虛籍多實兵少今京西
北神策鎮軍本防盛秋坐仰衣食不使戰事至之日乃
先稟中尉夫兵不內御要須應變失毫釐差千里請分

隸本道則號令齊一前戰不還踵矣然士卒樂兩軍姑

息宦者以為言議遂寢 高霞寓傳元和中討王承宗

有功詔藏所獲鎧仗於神策庫一作軍以旌之 陽惠元

以軍隸神策 李吉甫奏復宥州治經略軍以隸綏銀

道取廊城神策屯兵九千實之 王宰隸神策軍 宦

者傳德宗以左右神策天威等軍委宦者主之置護軍

中尉中護軍分提禁兵威柄下遷政在宦人興元初詔

實文場監神策左廂兵馬以王希遷監右而馬有麟為左

神策軍大將軍軍額由此始帝自山南還兩軍復全忌
宿將難制詔文場霍仙鳴分總之廢天威軍入左右神
策久之詔文場為左神策護軍中尉仙鳴為右焦希範
為左神策中護軍張尚進為右高崇文以左神策行營
節度使統左右神策麟游奉天諸屯兵討劉闢選兵五
千卯漏受命辰巳出師 順宗實錄貞元二十一年五
月辛未以范希朝兼右神策京西諸城鎮行營兵馬節
度使甲戌以韓泰充左右神策京西都柵行營兵馬節

度行軍司馬王叔文謀奪宦者兵希朝至奉天諸將無
至者武宗紀會昌二年七月幸左神策軍閱武李
庾西都賦親兵百萬制以神策紫身豹首金腰火額獵
霞張旆剥犀綴華奮目如虎眦振髯而蝟磔桑六鈞貫
七札對天仗以司戈分玉墀而執戟別有陳旌賜
鉞閫外四十依榆關而作鎮拒柳營而開壁

紀武德四年十月己丑以秦王為天策上將位在王公

上開府置官屬九年六月乙酉罷天策府

天策府長史
唐儉司馬字

及文士

會要顯慶三年八月十日以四夷君長來朝置

懷德歸化將軍以授之仍隸諸衛貞元十一年正月初

置四品以下武官

增中郎將以下員

授四夷歸附者定懷化大

將軍以下俸錢有差

唐禁軍總南北衙言之南衙即諸衛之屯于宮南者也

北衙即北軍之在禁苑者也 諸衛營在太極宮前朱

雀門內北軍左右兩軍皆在苑內

左軍在內東苑之東右軍在九仙門之西

諸衛皆調關內府兵有急則召諸衛官領之故號南衙

北軍亦從衛兵中選用其法紉于太宗之飛騎其後羽

林龍武神策神威之類皆北軍也

二張韋氏之誅皆用北軍 太宗討隱巢

南衛北門兵與府兵雜闕

節度兵彊而方鎮之勢成于外十軍倚

重而北衛之勢成于內 天子之勢屈于方鎮之兵方

鎮之勢屈于所部之兵至其甚也將之廢置出于兵至

于五代國之廢置出於兵 兵重於外而不歸故藩鎮

強大而叛兵重于內而不制故宦官得柄而逆

唐左右英武軍 威遠營

兵志肅宗至德二載擇便騎射者置衙前射生手千人
分左右廂曰左右英武軍上元初郭子儀率英武威遠
軍以趨范陽代宗擢論惟正右領軍大將軍為英武軍

使

王難得辛
京果為使

會要建中元年七月以鴻臚寺左右威

遠營隸金吾

賈耽授鴻臚卿兼
左右威遠營使

元和二年四月勅左右

威遠營置已久近置英武軍宜併省入左右威遠營置

使二人十三年十二月停左右龍武等六軍及威遠營

納課戶一千八十人

一本云十二月辛亥停龍武六軍
及威遠營納課戶一千八百人

天祐二年正月二十三日停威遠營以兵士隸六軍

唐節度使兵 方鎮 天兵

兵志所謂方鎮者節度使之兵也原其始起於邊將之屯防者唐初兵之戍邊者大曰軍小曰守捉曰城曰鎮而總之者

曰道若盧龍軍一東軍等守捉十一

兵三萬七千五百人

曰平盧道橫

海北平高陽經略安塞納降唐興渤海懷柔威武鎮遠靜塞

雄武鎮安懷遠保定軍十六

兵九萬一千四百人

曰范陽道天兵大同

天安橫野軍四岢嵐等守捉五

兵五萬五千人

曰河南道朔方經略

豐安定遠新昌天柱宥州經略橫海天德天安軍九三受降

豐寧保寧烏延等六城新泉守捉一

朔方兵六萬
四千七百人

曰關內

道赤水大斗白亭豆盧墨離建康寧寇玉門伊吾天山軍

十烏城等守捉十四

兵七萬
三千人

曰河西道瀚海清海靜塞軍

三沙鉢等守捉十

兵二
萬人

曰北庭道保大軍一鷹娑都督一

蘭城等守捉八

兵二萬
四千人

曰安西道鎮西天成振威安人綏

戎河源白水天威榆林臨洮莫門神策寧邊威勝金天武

寧曜武積石軍十八平夷綏和合川守捉三

兵七萬
五千人

曰隴

右道威戎安夷昆明寧遠洪源通化松當平戎天保威

遠軍十羊灌田等守捉十五新安等城三十二健為等

鎮三十八

兵三萬九百人

曰劔南道嶺南安南桂管邕管容管

經略清海軍六

兵萬五千四百人

曰嶺南道福州經略軍一千

五百人曰江南道平海軍一東牟東萊守捉二

兵各千人蓬萊

鎮一曰河南道此自武德至天寶已前邊防之制其軍

城鎮守捉皆有使而道有大將一人曰大總管已而更

曰大都督

會要武德七年改大總管曰大都督府

至太宗時行軍征討曰

大總管在其本道曰大都督自高宗永徽以後都督帶使持節者始謂之節度使然猶未以名官景雲二年四月以賀拔延嗣為涼州都督河西節度使自此以後接于開元朔方隴右河東河西諸鎮皆置節度使及范陽節度使安祿山反肅宗起靈武而諸鎮之兵共起誅賊其後祿山子慶緒及史思明父子繼起肅宗命光弼等討之號九節度之師久之大盜既滅而武夫戰卒以功起行陳列為侯王者皆除節度使由是方鎮相望于內地

大者連州十餘小者猶蕪三四云

通鑑天寶元年凡鎮兵四十九萬人馬八

萬餘匹 開元八年八月選驍勇一萬充幽州經畧軍 二十五年五月癸未詔中書門下與節度使量軍鎮開

劇計兵防 為定額

地理志關內道又有軍八華州鎮國上元

元年置商州興平鳳翔隴右元和元年更名保義隴州

義寧鄜州肅戎會州新泉鹽州保塞勝州義勇河南又

有軍三滑州宣義陳州忠武汴州宣武建中二年置于

宋州興元元年徙屯河東又有軍二河中耀德代州代

北河北又有軍十三孟州河陽相州昭義鎮州恒陽深

州永寧定州義武景州唐昌易州永清幽州防禦平州
柳城媯州清夷寧武廣邊營州平盧山南有軍二江陵
府永安成州靜戎江南又有軍十一潤州丹陽昇州江
寧蘓州長洲杭州餘杭鎮海越州義勝靜海福州寧海
宣州采石乾元二年置洪州南昌鄂州武昌劍南又有
軍八成都天征本天威彭州鎮靜漢州威勝邛州鎮南
雅州金湯靜寇茂州威戎遂州靜戎

餘並同
兵志

百官志

凡上鎮二十中鎮九十將副各一人下鎮一百三十五

上戍十一主副各一人中戍八十六下戍二百四十五

每防人五百人為上鎮二百人為中鎮不及為下鎮五

十人為上戍三十人為中戍不及為下戍

大曆二年正月詔潼關置

鎮兵三千人 六典注魏有鎮東等將軍隋有將副唐因之

通典每道置使其邊

方有寇戎之地則加以旌節行則建節府立六纛有副

使一人行軍司馬一人判官二人掌書記一人

大曆七年正月

丙辰詔諸道軍數每歲秋末冬首一申元和二年四月中書敕錄諸道將士總八十八萬五千人

開元

二十一年分十五道置採訪使又于邊境置節度經略

使式遏四夷節度使十經略守捉使三大凡鎮兵四十

九萬人戎馬八萬餘匹每歲經費衣賜則千二十萬匹

段軍倉則百九十萬石大凡千二百十萬

開元天寶每歲邊用不過

二百萬

天寶初折衝府五百九十三鎮二百四戌三百九

十三關二十七六典凡天下之節度使有八一日關

內朔方二曰河東三曰河址幽州四曰河西

天寶十四載正月河

西置五千入馬千匹

五曰隴右六曰劍南七曰磧西八曰嶺南凡

親王總戎則曰元帥文武官總統者曰總管以奉使言

之則曰節度使有大使副大使副使判官若大使加旌節以統軍置木契諸軍各置使一人五十人以上置副使萬人以上置營田副使凡鎮皆有使一人 藩鎮傳魏博傳五世至田弘正入朝十年復亂更四姓傳十世有州七成德更二姓傳五世至王承元入朝明年王庭湊叛傳六世有州四盧龍更三姓傳五世至劉總入朝六月朱克融反傳十二世有州九淄青傳五世而滅有州十二滄景傳三世至程權入朝十六年而李全略有

之至其子同捷滅有州四宣武傳四世而滅有州四彰

義傳三世而滅有州三澤潞傳三世而滅有州五云

方鎮表起景雲元年至天祐四年

京畿興鳳隴涇原邠寧渭北鄜坊朔方東

畿滑術河南鄭陳淮南西道徐海沂密青密北都河中澤潞沁成德義武幽州魏博橫海南陽山南西道荆南

安西河西隴右劔南

收功弭亂雖常倚鎮兵其亡亦以此

通鑑

開元十五年十二月戊寅制以吐蕃為邊患令隴右道

及諸軍團兵五萬六千人河西道及諸軍團兵四萬人

又召關中兵萬人集臨洮朔方兵二萬人集會州防秋

二十六年正月丁丑制邊地長征兵召募向足自今鎮
兵勿復追 列傳李林甫傳貞觀以來任蕃將者如社
尔何力猶不為上將皆大臣總制之上有餘權以制于
下先天開元中大臣若薛訥郭元振張嘉貞王暉張說
蕭嵩杜暹李適之等自節度使入相林甫疾儒臣積邊
勞且大任欲杜其本以久已權說帝用蕃將因以安思
順代林甫領節度而擢安祿山高仙芝哥舒翰等專為
大將林甫利其虜也無入相之資故祿山得專三道勁

兵處十四年不徙卒稱兵蕩覆天下

李泌言府兵平日皆安居田畝每府

有折衝領之折衝以農隙教習戰陳有事召發以符契下其州及府參驗發之行者近不踰時遠不逾歲高宗以劉仁軌為洮河鎮守使以圖吐蕃始有久戍之役自開元之末張說始募長征兵謂之獠騎其後益為一軍及李林甫為相奏諸軍皆募人為之兵不土著忘身徇利禍亂遂生

張說傳開元十年

為朔方節度大使親行五城督士馬故時邊鎮兵贏六十萬說以時平請罷二十萬還農帝疑之說曰邊兵雖廣諸將自衛營私耳制敵不在衆也 顏真卿為平原太守增陴浚隍料才壯時平原有靜塞兵三千益募士

得萬人遣李擇交統之清河李萼乞師曰公首奮裾唱
大順河朔恃公為金城清河西鄰也有江淮租布備北
軍號天下北庫郭子儀大厯九年上書朔方國北門
西禦戎北虞獫狁五城相去三千里開元天寶中戰
士十萬馬三萬匹僅支一隅臣所統士不當賊四之一
河南北江淮大鎮數萬小者數千未始蒐擇請追赴闕
中勒步隊示金鼓張洎曰唐罷府兵始置神武神策
為禁兵不過三數萬郡國軍額除河朔三鎮外太原青

社各十萬邠寧宣武各六萬潞徐荆揚各五萬襄宣壽
鎮海各二萬觀察團練據要害之地者不下萬人 李
泌曰天寶中天下鎮兵四十九萬人馬八萬餘匹開元
之前每歲供邊兵衣糧廢不過二百萬天寶之後益兵
寢多每歲用衣千二十萬疋糧百九十萬斛民始困矣
陸贄奏議云諸牧有馬每州有糧肅宗得以為資先
帝稍益禁衛漸修邊防闕中有朔方涇原隴右三帥以
扞西戎河東有太原全軍以控北虜此四軍皆聲勢雄

盛士馬精彊又召諸道戍兵每歲乘秋備塞開元天寶間控禦西北兩蕃唯朔方河西隴右三節度而已猶慮權分勢散或使兼領中興已來未遑外討僑隸四鎮于安定權附隴右于扶風所當西北兩蕃亦朔方涇原隴右河東四節度而已關東戍卒至則屬焉頃又分朔方之地凡三使其餘鎮軍數且四十皆承特詔委寄各降中貴監臨人得抗衡莫相稟屬代朔邠靈之騎士自昔之精騎也上黨盟津之步卒當今之練卒也 烏重胤

徙橫海軍建言河朔能拒命者鎮將領軍能作威福也
使刺史得職大帥豈能據一州而叛臣所管三州還刺
史職各主其兵因請廢景州 李固言為西川節度使
始置羸軍千匹又募銳士三千 王彥威開成初判度
支言至德訖元和天下觀察者十節度者二十有九防
禦者四經略者三大都通邑皆有兵最凡八十餘萬長
慶籍戶三百五十萬而兵乃九十九萬率三戶資一兵
又為供軍圖上之

永徽始有節度之名景雲始有節度之職接于開元文武迭用不久任不兼領不遥授自天寶分置十節度致漁陽之變安史平而藩鎮之禍方始 唐平安史用朔方太原兩軍平黃巢用忠武大同兩軍

唐彊騎 長從宿衛

兵志開元六年始詔折衝府兵六歲一簡自高宗武后時天下久不用兵府兵之法寢壞番役更代多不以時衛士稍稍亡匿至是益耗散宿衛不能給宰相張說乃

請一切募士宿衛十一年

十二月
戊子

取京兆蒲同岐華府

兵及白丁而益以潞州長從兵十二萬號長從宿衛歲

一番命尚書左丞蕭嵩與州吏共選之明年更號曰彊

騎又詔諸州府馬闕公私共補之今兵貧難致乃給以

監牧馬然自是諸府兵益多不補折衝將又積歲不得

遷人恥為之十三年始以彊騎分隸十二衛

舊紀開元
十三年二

月乙亥初置彊
騎分隸十二衛總十二萬為六番每衛萬人京兆彊騎

六萬六千華州六千同州九千蒲州萬二千三百絳州

三千六百晉州千五百岐州六千河南府三千陝虢汝
鄭懷汴六州各六百內弩手六千其制皆擇下戶白丁
宗丁品子強壯五尺七寸以上不足則兼以戶八等
五尺以上皆免征鎮賦役為四籍兵部及州縣衛分掌
之十人為火五火為團皆有首長又擇材勇者為番頭
頗習弩射又有羽林軍飛騎亦習弩射凡伏遠弩自能
施張縱矢三百步四發而二中擘張弩二百三十步四
發而二中角弓弩二百步四發而三中單弓弩百六十

步四發而二中皆為及第天寶以後曠騎之法又稍變

廢士皆失拊循八載折衝諸府至無兵可交

既以征戍
耗亡而不

復補自然
無兵可交

李林甫遂請停上下魚書其後徒有官吏兵

額而已

張說傳為朔方大使時衛兵貧弱番休者亡

命略盡說請募勇強士不旬日得勝兵十二萬分補諸

衛以強京師

會要開元十一年十一月二十日

戊子張

說置長從宿衛兵十萬人至十三年二月二十一日

乙亥

始名曠騎十六年二月二十五日

壬辰

曠騎弩手改為左

右羽林軍飛騎 吳湊傳言掌閑驍騎飛龍內園芙蓉園禁兵諸司雜供役手資課太繁宜有蠲省

唐神武軍

地理志代州有守捉兵其址有大同軍本大武軍調露二年曰神武軍天授二年曰平狄軍大足元年復更名其西有天安軍天寶十二載置

唐天兵軍

張嘉貞傳突厥九姓新內屬雜處太原請置天兵軍綏

護其衆 通鑑開元五年嘉貞請宿重兵鎮之七月辛

酉置天兵軍於并州集兵八萬嘉貞為大使 地理志

太原府城中有天兵軍開元十一年廢 會要天兵軍

聖歷二年四月置大足元年五月十八日廢長安元年

八月又置景雲元年又廢開元五年六月二十四日張

嘉貞又置十一年三月四日改為太原已北諸軍節度

使 張說為天兵 通鑑開元十六年十二月丙寅立長

軍節度大使

征兵分番酬勲法分五番歲遣一番還家五年酬勲五

轉

唐澤潞步兵 昭義步兵

實錄代宗永泰元年正月戊申加陳鄭澤潞節度使李抱玉鳳翔隴右節度使以其從弟殿中少監抱真為澤

潞副使

本傳觀察澤潞凡八年

抱真以山東有變上黨為兵衝而

荒亂之餘土瘠民困無以贍軍乃籍民每三丁選一壯

者免其租徭給弓矢使農隙習射歲暮都試行其賞罰

比三年得精兵二萬

本傳繕甲淬兵遊雄山東天

既不

費廉給府庫充實遂雄視山東天下稱澤路步兵為諸

夏最

討劉稭杜牧請以忠武武寧兩軍益青
州精甲五千宣潤弩手二千道絳而入

李抱真

傳德宗嗣位領昭義節度使建中中中田悅反圍邢及臨

洺抱真與河東馬燧合神策兵救之敗悅于雙岡斬其

將楊朝光又破之臨洺遂解臨洺邢之圍進圍魏戰城

下大敗會朱滔王武俊反抱真退保魏帝倉猝狩奉天

諸將皆各引麾下還屯於時李希烈陷汴李納反鄆李

懷光相次反河中抱真以數州截然橫絕潰叛中離沮

其姦為羣盜所憚云 官志 殿中侍御史京畿諸州兵
皆隸焉

唐山河子弟

呂元膺傳為東都留守東都川谷曠深人皆趨悍善鬪

號曰山棚

東都防禦使管將士六千七百三十人元和三年五月省防禦使副七月復置兵七百人

九年十月呂元膺
留守裝次元為副
元和十年元膺募為山河子弟使衛

宮城

舊紀十二月壬子請募置

元和十二年正月辛酉河東張弘

靖置子弟兵三千人三月義武陳楚置子弟義軍一萬

柳氏家學錄曰周以井田置六軍七十萬齊以寄政置

五鄉一十萬漢以良家子置六郡四十萬唐以折衝府置諸

軍五十萬玄宗召緣邊諸道兵六十萬韓滉之於兩浙置子

弟軍大州一千小州八百强者習弓弩弱者習排槍緩

則脩農急則為兵 六典秦成岷渭河蘭六州有高

麗羌兵黎雅邛翼茂五州有鎮防團結兵 憲宗

時涇原節度朱忠亮隱覈軍籍得竄名者三千人

宣宗時徐商為河中節度時突厥千帳度河自

歸詔商綏定商表處山東寬鄉置備征軍凡千人
鑿紙為鎧 李錡反路應發鄉兵救湖常二

州

應為宣欽
池觀察使

張鎰為濠州刺史團閱鄉兵 孫樵曰

兵籍於郡則易為役卒出于邊則習其險

唐雄邊子弟

李德裕傳南燕保義等十一軍

見等
邊樓

唐七軍

見陣法類

唐六軍

昭宗紀天復三年正月辛未崔胤判六軍十二衛事

云六

軍者左右龍武神武

兩林其為存而已

天祐元年正月乙巳裴樞判左三

軍事獨判右三軍事

三衙將帥年表

李壽一卷

玉海卷一百三十八

欽定四庫全書

子部

玉海卷一百三十九

詳校官中書臣張經田

主事臣祁韻士覆勘

總校官進士臣朱

鈴

校對官編修臣朱

攸

謄錄監生臣魏綿曾

曾

欽定四庫全書

玉海卷一百三十九

宋 王應麟 撰

兵制

兵制

四

宋朝侍衛親軍 三衛

五代於唐六軍諸衛之外別為私兵 藝祖詔殿前侍衛之司各閱所掌兵簡其驍勇升為上軍復籍郡國驍

勇之卒致之闕下又申嚴一階一級之法使截然知分
守所存臨試有法勸懲有方民不知兵而安於耒耜兵
衛乎民而習於干戈去其冗濫而不使有傷財之患嚴
其法制而不使有犯上之憂故能以十五萬之衆方行
天下 五代史五代軍制無足稱惟侍衛親軍之號今
猶因之而甚重然原其始起微矣當唐末方鎮之兵凡
一軍有指揮使一人而合一州之諸軍又有馬步軍都
指揮使一人蓋其卒伍之長也自梁以宣武軍建國因

其舊制有在京馬步軍都指揮使

本方鎮軍校之名

後唐因之

至明宗時始更為侍衛親軍馬步軍都指揮使

康義誠為之

當是時天子自有六軍諸衛之職六軍有統軍諸衛有將軍而又以大臣宗室一人判六軍諸衛事此朝廷大將天子國兵之舊制也而侍衛親軍者天子自將之私兵也推其名號可知矣

後唐秦王從榮以河南尹為大元帥典六軍

天子自

為之將則都指揮使乃其卒伍之都長耳然自漢周以

來其職益重漢有侍衛司獄凡朝廷大事皆決侍衛獄

是時史弘肇為都指揮使與宰相樞密使並執國政然是時方鎮各自有兵天子親軍不過京師之兵而已今方鎮名存實亡諸六軍諸衛又益以廢朝廷無大將之職而舉天下內外之兵皆屬侍衛司矣親軍之號始於明宗其後又有殿前都指揮使亦親軍也皆不見其更置之始今天下之兵皆分屬此兩司矣 殿前司始於周世宗太祖為殿前都虞候初詔募壯士送京師命太祖擇武藝精高者為殿前諸班而置都點

檢位都指揮使上太祖由此受禪

後周顯德三年十月甲申以太祖皇帝薨

殿前都指揮使十二月壬申以張永德為殿前都點檢

建隆二年閏三月戊辰慕

容延釗罷自是都點檢不除

建隆二年七月庚午高懷德罷殿前副都點檢自是

亦不除

殿前司與侍衛司馬軍步軍為三衙

唐制有十二衛為南衙漢

之南軍也六軍為北衙漢之北軍也末年以大臣總之

其實兩司而侍衛司都指

揮使外又分置馬步軍都指揮使殿前司亦參馬步軍

總於都指揮使兩司三衙合十一員分天下兵而領之

此祖宗制兵之大畧也三衙用邊臣戚里及軍班出身

各一人太宗時侍衛都虞候以上各置十員職位相亞

易於遷改且使軍伍素相服習邊藩緩急亦得選用

故事

擇邊將有威望者為三衛軍政號令則在密院舊制不許接坐宰相坐待漏院管軍於簾外倒杖聲喏而過與漢周間異矣朝廷待遇二帥禮繼二府而不入品序止於本官為次政和四年六月詔有司定班序古者天子必有親兵實自將之以備不虞強主威漢北軍唐神策之類是也祥符八年六月四日詔宣取兵士

見御實文字

乃得交付

建隆元年正月辛亥酬翼戴之勲殿前

副都點檢則高懷德都指揮使則王審琦侍衛馬步軍

副都指揮使則石守信都虞候則張令鐸馬軍都指揮

使則張光翰步軍都指揮使則趙彥徽

後唐明宗時彥徽後唐明宗時彥徽

軍都虞候 雍熙以來田重進傅潛王超繼為都虞候自超罷職無復任者 殿前司都指揮使副都虞候副

國初有都點檢後不復置

國朝兵制禁軍殿前侍衛司分領之殿

前司領騎兵之額三十七步兵之額二十六侍衛司領

騎兵之額三十五步兵之額八十三御前忠佐軍頭司

領步騎之額四皇城司領步兵之額二左右驎驥院領

騎兵之額二

兩朝志殿前司騎軍額三十步軍額十有六侍衛司騎軍額三十有三步軍額五十

有六 建隆三年十一月甲子殿前侍衛兩司將校毋得冗占直兵限其數著于令 乾德四年閏八月乙亥詔

諸軍不得選軍中驍勇自為牙隊 景德四年十月丁未樞密院上新置殿前侍衛司將校員 侍衛

馬軍都指揮使以節度使充副都指揮使以觀察使以

上都虞候以防禦使以上充侍衛步軍國初有都指揮

使副使都虞候自後多缺 乾德四年六月杜審瓊權知步軍事 神宗史

志殿前侍衛司以節度使為都指揮使而副使都虞候

無定員以刺史以上充備則通治缺則互攝兼統制四

廂軍 設史殿前二十八馬司十八步司二十四各分案六 殿前有神武宣武驍騎

上下軍寧朔驍勝虎翼左右五軍各十指揮並有指揮

使都虞候馬軍有雲騎武騎各十指揮步軍有虎翼左

右五軍十指揮每軍有指揮使一員都虞候副之

范祖禹曰

樞密有發兵之權而無握兵之重二帥有握兵之重而無發兵之權彼此相維不得專制所以無兵變也

熙

寧中裁定神衛刺員萬有千人官制正名歸步軍司 凡軍校遷至軍都指揮使又

遷則遙領刺史又遷為廂都指揮使則遙領團練使員

隘則從上落軍職為正團練刺史之本任或為他州總

管鈐轄 哲宗史志殿前司掌殿前諸衛殿陞出則扈

從乘輿大禮則提點編排整肅禁衛鹵簿儀仗掌宿衛

之事侍衛親軍馬軍步軍司掌馬軍步軍諸指揮之名籍

藝祖平定天下養兵止二十二萬而京師十萬餘明強
翰弱枝之勢也如周畿兵如漢中壘

宋朝六軍

龍武羽林神武六軍掌郊祀朝會儀仗判司官一人以
判金吾街仗將軍兼領左右各三軍自左右衛以下官
名存而事廢太祖太宗朝以處將帥後多以皇族為之

天禧元年令內職兼攝環衛熙寧三年令邊將統攝

咸平五年加楚王元佐左羽林上將軍舊制六軍置統
軍無上將軍之名蓋有司之誤祥符八年二月丙寅元
佐天策上將軍 治平三年九月詔六軍更不除上將
軍

宋朝四廂軍

職官志殿前司有捧日天武左右四廂馬軍司有龍衛

左右廂

端拱初以龍衛左廂都指揮使孔守正習練軍
法特置龍神衛四廂都指揮使以寵之

端拱

元年十月甲子置四廂都指揮使以范廷名孔守正為之步軍司有神衛左右廂各

有都指揮使每軍有都指揮使都虞候每指揮有都副

指揮使每都有軍使副兵馬使捧日舊曰日騎舊曰鐵騎興國

二年改雍熙四年改天武舊曰控鶴興國二年改龍衛

舊曰龍捷興國二年改神衛舊曰虎捷興國二年改長編

興國二年正月庚辰以美名易禁軍舊號國初捧日張光翰虎捷左廂趙彥徽虎捷右廂都指揮使

四廂管舊城左廂及殿前司馬軍天武四廂管舊城右

廂及殿前司馬軍龍衛四廂管新城左廂及馬軍司馬

軍神衛四廂管新城右廂及步軍司馬軍謂之上四軍

各有左右廂廂各三軍

王城之兵以內政寄令立廂部之帥總車騎之軍拱展軒陛微

循都城 周之
七萃漢之八屯

左右廂起於唐本用李靖兵法諸軍各

分左右廂統之自府兵法壞京師變為彊騎謂之禁兵

諸道變為長征謂之鎮兵昭宗之末禁旅盡矣朱梁以

方鎮建國遂以鎮兵之制用之京師京師兵有四廂而

諸軍兩廂其廂使掌城郭煙火之事而軍旅漸有廂軍

之名自周世宗於方鎮寄招禁軍別立營部由是州郡

始有禁軍太祖作階級法專治禁軍而天下鎮兵通謂

之廂軍

張洎謂甲卒戰馬數十萬萃京師

熙寧三年五月置左右廂

公事所以京朝官分治京城四廂從韓維之請也 紹

興十三年五月甲子兵部郎錢時敏言今將享廟及郊
當用仗內馬步導從之人而龍神衛上四軍未及舊額
三分之一詔殿前馬軍司招填

宋朝捧日奉宸隊 紹興宿衛親兵

黃帝以師兵為營衛周有虎賁旅賁秦置宮門屯衛漢

置期門羽林後漢五營魏中領軍三營晉中衛左右衛
江左鎮衛四軍宋齊領軍掌禁兵梁有五將軍扈衛唐
初十二衛後置北門四軍梁置六軍為親衛後唐置捧
聖馬軍嚴衛步軍晉改為護聖奉國周初改龍虎捷顯
德置殿前諸班為親兵取唐殿前射生官之義今有殿
前指揮使內殿直散指揮散都頭散祇候金槍班東西
班內員寮直鈞容直散直外殿直皆馬軍又有簇御馬
太宗改為御龍直復有骨朵弓箭直皆步軍捧日隊殿

前諸班也奉宸隊殿前諸直也捧日謂君如日左右承捧之奉宸即唐千牛衛營嘗更是名唐朝黃麾為近仗其後七軍儀仗又為禁兵今捧日奉宸二隊稱親兵扈鹵簿捧日隊每隊三十一人奉宸隊分左右充禁衛興國九年二月御崇政殿改轉諸軍將校自軍都指揮使以下員僚以上按名籍勞績升之數日而畢先循謹能御下者武勇次之咸平三年五月御便殿遷補千三十人四年十月己亥朔謂宰臣蒙正曰向於軍校超擢

八九人委以方任五年四月謂樞臣周瑩曰國朝之制
軍員有缺但權領之三歲一遷補乃御便殿按籍次補
祥符四年八月二日詔內外禁軍軍員補轉未均今汾

陰轉員宜立久遠規制

指揮使以下不別遷補皆自下而升龍衛不入捧日神衛不入

天武寧朔如驍勝例二十日諭王欽若朕閱殿前諸班直名籍每班唯及三百人以下宜增置押班二人七

年又詔殿帥曹璨等詳定密院詳酌十月詔御龍諸直
為一轉員僚直拱聖驍雲騎驍勝武騎寧朔神騎以上
為一轉水軍神勇宣武殿司虎翼衛聖步軍虎翼奉節

廣勇神射以上為一轉天禧元年十月諸班直諸軍分
三番引驗於崇正殿

建隆兵樣

建隆二年五月甲戌令殿司及諸州升強壯退老弱初
置剝員以處退兵三年五月帝以六師老壯不等乃蒐
強壯曰兵樣其後更為木槌差以尺寸高下之制謂之
等杖諸州設旗給賞募之祥符中重定等杖自五尺八
寸至五尺五寸為五等諸州部送闕下及等者隸次軍

嘉祐二年復定等杖自上四軍至武肅忠靖皆五尺以上差以分寸而視其奉錢之數

建隆飛山營

二年二月丙寅幸飛山營閱砲軍

乾德驍雄武軍

乾德三年八月戊戌朔詔郡國選兵之驍勇者部送闕下九月二日己巳諸道藩郡長吏先奉詔於本城兵士內選擇驍勇者相繼到闕太祖御講武殿親閱之中選

者萬餘人以騎軍為驍雄步軍為雄武仍命武臣習其
行陣之勢教以申嚴之令二軍並隸侍衛親軍 曾鞏
曰太祖修教習之法黜老懦之兵舉中國之兵纔十六
萬人平五強國不知兵之少也

開寶歸聖歸化軍 水軍

開寶七年十一月泰寧軍節度使李從善部浙中及江
南水軍凡千三十九人並令黜面籍為王師以歸聖歸
化為軍額

太平興國易禁軍號

太平興國二年正月庚辰詔改簇御馬直曰簇御龍直
鐵騎曰日騎龍捷曰龍衛控鶴曰天武虎捷曰神衛骨
錄子直曰御龍骨錄子直散手雄威曰雄勇龍騎曰雄
猛以美名易禁軍之舊號也雍熙四年五月庚辰改殿
前司日騎曰捧日驍猛為拱辰雄勇為神勇又改上鐵
林為殿前司虎翼腰弩為神射步軍鐵林為虎翼端拱
二年正月改軍頭引見司為御前忠佐軍頭引見司有

馬步兩直

雍熙四年置步直端拱元年置馬直熙寧四年十二月壬申詔撥入殿前司

建

隆二年十一月改左右雄捷驍武軍為驍捷左右備
征為雲騎左右平遠為廣捷懷德為懷順

太平興國皇城司

在右承天門內北廊本名武德司太平興國六年十一
月甲辰改今名有皇城使 會要云掌皇城管鑰木契
親從親事官名籍冰井務隸馬分房四設吏十有九及
命婦朝會須冰幹辦官本三人

熙寧元年十一月一日以七員為額 掌宮

城出入禁令慶歷八年臣僚上言皇城司在內最為煩劇祖宗任為耳目之寄近年員數倍多並不選擇乞止差四員選經歷有心力沈厚之人嘉祐五年十二月詳定宮殿皇城門闕防條貫政和六年十一月詔嘉王楷提舉皇城司中興會要提舉官一提點二幹辦五紹興元年二月詔行在禁衛所改為皇城司三年正月二十六日造入殿門圓號千以黃入宮門方號八千以緋入皇城門圓號三千以緋紹興十三年八月錢恂除太

尉提舉皇城司引見司提點一員幹辦三員以問門官

充掌禁衛軍入見之事宿趨材於中壘嚴藻衛於上蘭

法鈞陳壁壘之文森玉陞干將之衛宮隅七雉實護中

宸飭晨門而共法駕比夕析以扈宸闈

唐親衛城門郎
重中禁尊皇居

張方平曰國初循周制置諸班直屬殿前司親從官

屬皇城司其宿衛之法殿外則相間設廬更為防制殿

內則專用親從為親兵 親從親事官五指揮每歲換

給勅號

政和七年正月十八日置五指揮并
班直親事官增額二千五百餘人

中興皇城

司親從紹興間三千七百三十餘人至嘉泰開禧增至四千八百三十餘人續又增一千餘人 嘉定二年十一月二十六日議臣言皇城一司總率親從嚴護周匝參錯禁旅權亞殿巖漢以儒生位執戟唐以勲臣子弟備宿衛今請專以知閤御帶兼領

淳化金吾四營

淳化五年八月判左右金吾街仗魏丕以新募千餘人引對崇政殿太宗親選得五百七十人其中取身品優

者三人為等分四營營設五都都有員僚節級一如禁
兵之制命田守信知右街事帝以京師浩穰街司循警
用禁軍非舊制特命左右街各置千人優以廩給使傳
呼備盜至是始分營部令魏丕更召募以充其數 至

道元年八月閻承翰等為金吾都監 祥符七年

六月金吾引駕仗詣文德殿稞稍堂仍祭饗 紹

興二年三月二十八日詔街仗司以二百人為額

漢中尉即執金吾執金革禦非常

緹綺
執金

環尹之列執金

為貴

咸平保毅軍 民兵

咸平四年九月庚寅命使臣往陝西點檢籍軍係稅人戶家出丁一號曰保毅軍官給糧賜令分番守城壘遣御史吳舊與漕臣主其事五年正月己酉舊言凡得六萬八千七百九十五人其緣邊軍士先選中者升為將

軍名保捷

元年初置秦州極邊保毅

五月壬寅籍河南民丁為兵

咸平廣捷兵

咸平五年正月甲寅置廣捷兵五指揮先是帝聞南方以標槍旁牌為兵器命有司製之帝即位令內侍蕭延皓取廣德軍教習至是試於便殿悉呈其技頗精練帝以為可用捕賊守邊特立為是軍仍選神威等軍充其數六月四日以河東州兵為神銳二十四神虎指揮十先是命張延禧乘傳料簡萬三千餘人立此軍訓習六年六月二十五日壬午以威虎十指揮隸虎翼先是邊兵扞寇虎翼多勝蓋用勁弩也時新置威虎皆材勇之

士故以增之

咸平初置振武指揮

咸平五年五月丙辰命使臣分往邠寧環慶涇原儀渭隴麟延等州於保安保毅軍內與逐處官吏選有勇力者共二十萬人各於本州置營升為禁軍號曰振武指揮既而帝曰邊防缺兵朝廷須為制置蓋不得已也候邊鄙又寧即可消弭景德元年七月陝西轉運司西面緣邊諸州於保毅軍內簡習成振武軍四十指揮帝曰

數年前西賊遠圍靈州諸路總管遣人乘傳飛奏請授
兵者曾無虛日當時以河東兵不可減遂議立此兵尚
慮簡閱未精冗食邊廩又累遣使選擇所存皆少壯拳
勇漸習武藝朕詢于知兵及詳練邊事者皆云自立此
軍邊聲頗振戎人知懼矣二年五月知鎮戎軍曹瑋言

邊民應募為弓箭手者請給以閒田蠲其賦從之

至天聖六年

年弓箭手凡五十四指揮七千九百餘人九月詔并為
二指揮皇祐三年二月涇原經畧夏安期選弓箭手萬
三千人分隸東西路上陣圖法三年七月十日令河北治振武軍營舍

十一月罷募振武軍有願投者令隸虎翼慶歷三年正月募關中民補振武

祥符初置虎翼軍 神衛水軍 慶歷萬勝軍

初太祖置神衛水軍以習舟師及江淮平不復用祥符六年七月詔在京諸軍內選江淮習水卒於金明池試戰棹立為虎翼軍置營於池側其江浙淮南諸軍並令

准此選卒置營

據會要時帝謂近臣曰太祖朝多幸船塢製造兵棹蓋防水路用兵時神衛諸

軍立水軍以備其用及江淮已定不復振舉可於江浙淮南選取習水兵士立成指揮就此置營故有是詔

七年五月詔諸州簡兵有善水者以補神衛水軍 慶
歷二年九月壬子置福建廣東西澄海軍各兩指揮十
一月庚辰置登州澄海水軍 慶歷元年七月壬戌
置萬勝軍二十指揮立神勇之上康定初元昊反
詔募神捷兵然所募雜市井之人不足備戰守既而
易名萬勝為二十管至和三年併為十管治平二年
併萬勝悉以為神衛 祥符二年五月合龍騎十二
營為六六年十月合龍猛十一營為八 咸平五年

二月壬辰以涇原環慶騎兵之半易河北步兵 紹聖
四年十二月癸卯詔置都大兵籍具京師諸道兵數奏
御別申樞府

康定鄉兵 熙寧保甲

古者寓兵於農後世寓農於兵又其後也籍農以為兵
名同而實異建隆四年正月始調關西鄉兵赴慶州咸
平四年九月點陝西義兵稅戶家一丁號保毅五年八
月詔河北忠烈宣勇軍選自鄉民無人可代者放還農

康定元年十二月乙酉諸路籍鄉兵所籍強壯河北二十九萬河東十四萬命端明判兵部李淑及賈昌朝王洙郭稹同詳定其制先是吳遵路議復民兵詔籍河東

鄉丁下其法於諸路

三月己卯命遵路計置河東糧草實錄云詳定弓手強壯通制又

命王洙同判兵部修鄉兵制度慶歷二年二月乙未簡河北強壯勁勇刺手背為義勇三月乙卯又簡河東弓手武勇者為義勇陝西弓手為保捷每歲九月農隙訓閱十月庚戌陝西言刺保捷軍凡一百八十五指揮六

年三月程琳請入冬訓閱一月而罷嘉祐四年十一月
二十二日大名帥李昭亮請補河北義勇闕數自來年
始河北總十八萬九千人河東總七萬七千人陝西至
治平初總十五萬六千人治平元年十一月十四日乙
亥宰臣韓琦言唐府兵最近古今義勇河北幾十五萬
河東幾八萬稍加簡練與府兵何異陝西西事時三丁
選一為弓手後刺為保捷事平簡放今存無幾請刺陝
西義勇自永興河中鳳翔始

三丁選一六丁
取二刺手背

詔屯田徐

億錢公紀職方李師錫往陝西除商虢外凡刺十三萬八千四百六十五人樞副胡宿請且刺緣邊軍諫官司馬光論不可不從三路鄉兵唯義勇最盛

後以運糧戍邊

三年

十月二十五日密院言秦隴等十二州民俗尚武可以備邊請如環慶保穀給糧廩熙寧元年五月二十五日樞使呂公弼請河北每指揮擇才勇百人為上等三年十一月命陝西立教閱賞罰格十二月分七路四年五月罷提舉官呂大忠言弓箭手近屯田義勇近府兵擇

用一馬兵屯可省

保甲之制始於熙寧二年十二月九日乙丑司農定制

先行於畿縣遂推之五路以徧于天下

十家為保五十家為大保十大

保為一都已未立更戌法

畿內置鼓旗則四年九月二十四日之詔

義勇保甲及民兵合七百十八萬二千二十人則九年府界諸路之籍親閱於元豐三年五路義勇悉改為保

甲元豐四年正月庚戌也御延和殿閱試四月六日也

是歲府界河北河東陝西歲費三十一萬三千一百六

十緡而團教賞一百萬緡有奇歲遣使提舉按閱元豐
後民兵日盛募兵日衰義勇保甲隸密院民兵隸兵部
五年九月辛丑也保甲五日一閱遣使徧教二路留神
按閱藝精者厚賞八年詔依義勇法歲赴縣教閱一月
十月罷提舉官以提刑兼領唯冬教三月十一日又罷
監教官元祐元年三月五日定監司按土兵賞格行之
藝祖建京師於平土謂非重兵不足以制四海故皇城
之內有諸班之兵京城之內有禁衛之兵京城之外別
營猶數十里中夜則造朝入則奔趨營居西者必給東
倉之米以遠其途負糧兩石不得雇代以閱其力嘗謂

雖京師有警皇城之內只有精兵數萬及王安石為相思復三代民兵創教保甲而潛消禁旅

國朝

籍郡國及旁塞之民與丁壯以備戰守曰義勇弓箭社保殺寨戶土丁弩手峒丁槍手弓箭手敢勇蕃兵各因

其方名之通謂鄉兵元祐以降民兵亦衰

紹興六年柴斌請金均房

保甲名保勝軍

太宗籍兩河之人為鄉兵因大軍方興之威

猶恐其亂乃密誡州郡尅期一日而事畢司馬光謂康定慶歷間三路新置鄉兵共數十萬何嘗得一人之力

元祐四年范純仁奏畿內保甲更不教閱右丞王存

言京師之地四達而平非有重山峻嶺之峻金城湯池之固所以維御四方威制夷狄為根本之固者以營衛嚴也慶厯治平間禁廂之籍至百餘萬新城裏外連營相望其後論者以兵冗費廣乃議併營中外禁兵以五十八萬為額而京師兵籍益削於是三路添籍民兵畿內亦置保甲四時教閱使人為勝兵平日不費錢糧緩急得為武備此先帝之意也陛下即位之初罷三時之閱止冬間一教若遂不教即其法遂廢

寶元二年三月乙卯閱試衛士戊午賜陝西緣邊軍士
緡錢四月丁亥募河東陝西民入粟實邊康定元年正
月詔陝西募強壯備邊二月甲午括畿內京東西淮南
陝西馬甲寅出內庫珠償民馬直四月丙戌省陝西緣
邊堡寨乙巳增補河北強壯軍六月甲辰增置陝西河
北河東京東西弓手慶厯元年二月辛丑京東西淮浙
江南荆湖置宣毅軍五月癸酉閱試衛士八月甲申括
河北馬十一月壬子置涇原弓箭手十二月甲午置陝

西護塞軍二年二月乙未刺河北義勇軍十月庚戌刺
陝西保捷軍六年五月丙申詔陝西市蕃部馬 紀真
宗時內外兵九十一萬二千寶元以後兵百二十五萬
九千治平中兵數少損猶百十六萬二千

慶歷兵錄 贍邊錄 嘉祐兵數

慶歷五年丁度為兵錄五篇宋祁為之序曰凡軍有四
一曰禁兵殿前馬步三司隸馬卒之銳而粟者充之處
則衛鎮出則更戍二曰廂兵諸州隸馬卒之力而悍者

募之專於服勞間亦戍更三曰役兵郡有司隸焉人之
游而惰者入之業壹事專處而無更四曰民兵農之健
而材者籍之闕者輒補歲一閱焉國家制兵大抵如此
然兵無常帥帥無常鎮權不外假力不他分所以維四
方愴四夷鼓行無前也

太祖內輯師旅而率以節制外卑藩服而納以繩墨

丁

度傳五年四月庚戌為樞副建請擇河北河東陝西禁軍
補禁旅之缺因上兵錄五卷贍邊錄一卷 慶厯元年十

一月二十一日中書密院請諸路將帥各置親兵月特給

錢二百選武勇者詔陝西河東諸路總管置親兵百五十人招討鈐轄百人招討都監等七十人 嘉祐五年樞副歐陽修與曾公亮考天下兵數及三路屯戍多少地理遠近更為圖籍 志兵無常帥帥無常師內外相維上下相制等級相軋天下百年無犬吠之警此制兵得其道也兵額有四曰禁兵廂兵鄉兵蕃兵分隸殿前侍衛總管司籍藏樞密院由天聖至寶元間增募諸軍陝西蕃落廣銳河北雲

翼京畿廣捷虎翼効忠陝西河東清邊弩手京西江淮
荆湖歸遠總百餘營康定初西邊用師募神捷兵既而
易名萬勝為二十營議者欲益募土兵於是增置陝西
蕃落保捷定功至嵐府州建安登州平海皆為禁兵內
外馬步凡增數百營又京東西河北河東江淮荆湖浙
建各募宣毅大州二營小州一營凡二百八十八故慶
厯中內外禁廂軍總一百二十五萬及西師罷樞使龐
籍奏與中書議揀汰之法用其言省兵數萬人嘉祐七

年

通畧五月

宰相韓琦上言願詔密院同三司量歲入金帛

數約可贍兵馬幾何立為定額仍覈見開寶至道天禧

慶歷中外兵馬之數於是詔中書樞密院同議樞密院

撥祖宗已來兵數以聞蓋開寶之籍總三十七萬八千

而禁兵馬步十九萬三千至道之籍總六十六萬六千

而禁兵馬步三十五萬八千天禧之籍總九十一萬二

千而禁軍馬步四十三萬二千慶歷之籍總一百二十

五萬九千而禁軍馬步八十二萬六千視前募兵寔多

自是稍加裁制以為定額治平之兵一百十六萬二千而禁軍馬步六十六萬三千校慶歷之籍減幾十萬校開寶之籍增至七十萬二千又陝西州軍悉置壯城如河北備城壘之役蓋景祐中本城四十三萬八千建治平三年乃五十萬廂兵總諸州本城教閱騎軍之額四步軍之額六不教閱騎軍之額三十有五步軍之額一百九十有五

元豐禁軍六十一萬餘人

慶歷五年禁軍之數比景祐

以前增置八百六十餘指揮四十餘萬人八年

三月甲寅學

士張方平言昨在三司計會天下財用出入之籍及建隆以來兵數太祖蓄兵不及十五萬人太宗不過四十萬人章聖備禦西北兵籍頗增祥符以後至于寶元陝西河北京東西增置保捷一百八十五指揮武衛七十四指揮宣毅一百六十四指揮江淮湖浙福建諸路又添闕百二十四指揮凡內外增置禁軍約四十三闕通三朝舊兵且八九十萬人其鄉軍義勇州闕小分剽員等不與焉太祖收天下勁兵列營闕

分營於外則曰就糧者本京師之兵而廩食

闕

聽以家往其邊防要郡須兵屯守即遣自京

闕

鎮

之兵亦皆更戍 會要建隆四年八月以河東樂平縣

降人為効順指揮乾德二年二月名遼州降軍曰順效

懷恩三年四月改西川感化耀武等軍為虎捷九月五

日蜀諸州置兵名以克寧興國八年

闕

月濮州平海改

崇武至道元年二月十一日殿前司選七百餘人帝閱

其趨健者教以弓矢四

闕

天武等軍子弟七百人

三年九月真宗與近

闕

防曰北有勁兵號曰驍勇

無廂分主之已分

闕

摧主兵久次為廂虞候使

兼郡符咸平三年

闕

詔定州等無敵忠銳定塞指揮

升禁軍

馬軍雲翼

大中祥符元年二月詔步軍司閱保寧

軍分四等第一等從營毫之永城餘歸農畝或隸諸州

為剩員

闕

四年九月宣示威平中簡郡兵充馬

軍置

闕

令在驍勝下雲騎上六年四月命沿邊

補

闕

八年正月庚寅置禁軍左右清衛指揮十

開

廂兵五百
人奉宮觀

九年九月詔二廣湖南

開

合澄

海四百人名忠敢秦州曹瑋選牀子弩

開

人名定

功天禧元年五月瑋又選五百七十

開

建威指揮

六月乙亥詔選天下廂軍隸禁軍

開

千餘人天聖

元年九月四日蜀募奉節兵五

開

升慶州安塞為

禁兵七年四月河陰置水軍

開

年十一月升蕃兵

為禁軍在橫塞下康定元

開

五日永興軍置威捷

慶歷元年十月升府州

開

州飛騎為禁軍十二月

密院言京東西宣殺闕 人赴京師改隸禁軍從之

二年二月又升涇闕 兵秦州韓琦請罷護塞兵增

置蕃兵三年五闕 東義勇願隸諸州就糧神虎宣

殺禁軍者聽闕 轉運使明鎬閱同州廂軍得材武

者三百餘闕 強弩奏為清邊軍其後陝西河東悉

置此軍闕 年二月詔京東選廂軍加教閱二字征

役同闕 年五月并州韓琦請置壯城兵五百人閏

七闕 淮荆湖新立就糧禁兵教閱忠節軍大州五

開 州三百人六年四月二十七日置北京作坊兵

開 州之鎮兵也內屬侍衛司總諸州騎兵之額 開

騎射威遠至

步兵之額百八十三

武和武肅至

在

忠銳招收

京諸司之軍額有五

廣牧至雜役
隸宣徽院

嘉祐四年五月揚廬

江寧洪潭福越置禁軍曰威果八月京西立教閱廂軍

治平二年八月陝西置壯城兵熙寧元年十二月十一

日密院奏京東置教閱廂軍曰忠果二年正月二十三

日辛卯又改團結廂軍額加教閱二字淮南曰壯武江南

曰武雄荆湖曰靜江兩浙曰崇節福建曰保節四年十
二月十六日密院言諸路廂軍名額自騎射至牢城凡
二百二十三或因工作水陸運權酷或因通山險隄堰
郵傳馬牧而立宜并為一額五年十一月杭州置教閱
捍江兵六年瀘州置寧遠武寧十月鄧州置忠果七年
九月成都置武寧八年閏四月京西置教閱忠果十年
五月都水監請立河清兵階級條例十一月五日廢河
北監牧兵五千增置府界廣固保忠元豐二年十二月

唐汝州置土兵勇捷四百人五年七月蘭州置馬軍廣

銳步軍保捷各五百人十月七日定諸路教閱廂軍名

額有馬二十二無馬二百二十九指揮廂軍舊隸密院

官制行分隸戶兵工三部戶兵工部置籍揭貼進冊

以副上樞府元祐二年二月八日之詔也

熙寧七年

正月朔頒諸班直禁軍名額諸班自殿前指揮使至御

龍弩直諸軍自捧日至廣南澄海清化先是元年九月

密院言廊延正兵弓箭手保毅義勇屬戶七萬九千八

百三十九人近二十六指揮計八千八百四十四人二

年十月命京東漕臣併省諸軍指揮至少者三年三月

併龍猛八指揮為六

額三百人

十一月二十三日詔諸路併

諸指揮自是部伍齊肅無名存實闕者

本志併營在二年通畧二年八

月康定慶厯以來諸軍間有併廢至熙寧中大整軍額

有就而合者如龍衛三十九併為二十有以全部附隸

如併入威猛廣捷而廢宣威併入神騎而廢契丹直有

併營而增額者如宣武二十併為十二增一百人有易

名者如驍猛以第一指揮改驍雄而廂軍沿五代制兵

額參雜復命并合五年六月以併廂軍畢獎江東漕臣
韓鐸 熙寧三年十二月己未立更戍法壬申樞密使

文彥博對資政殿上在京府界并諸路禁軍數

神宗患兵之冗

親制選練之法立為定額蓋熙寧之籍天下禁軍凡五十六萬八千六百八十八人

上自出治平

兵數參照詔殿前司虎翼除水軍一指揮外存六十指
揮各五百人為額總三萬四百年在京增廣勇五指揮
共二千人府界定六萬三千人京東五萬一千兩浙四
千江東五千江西六千湖南八千湖北萬二千福建四

千五百二廣各千二百川陝三路共四千四百人河北
人數尚多須後議之陝西河東京西淮南前已撥併四
年十二月詔廂軍併為一額天下凡八百四十指揮
兵二十二萬七千六百而府界不與 神宗史志兵部
凡聯其什伍而教之戰為民兵材不中禁衛而力足以
克役為廂軍就其鄉井募以禦盜為土軍廂禁土軍因
老疾而裁功力之半為剽員羌戎附屬分隸邊將為蕃
兵皆以名數置籍而頒行其禁令樞密院有兵籍房元

豐五年改官制議者欲廢樞密歸兵部上曰祖宗不以兵柄歸有司專命官統之互相維制於是不廢司馬公曰諸軍分番屯緣邊及諸路使之均勞逸知艱難識戰鬪習山川皇祐格馬軍滿四百步軍五百人為一營熙寧併管陝西馬步軍營三百二十七併為二百七十馬軍額以三百步軍以四百人總撥併者馬步軍五百四十五營併為三百五十京師之兵類皆撥併畿甸諸路及廂軍總會畸零定以常額

康定二年六月己亥王堯臣言陝西兵二十萬可戰者止十萬涇原最當要害請益兵三萬 元豐五年六月

上謂輔臣曰藝祖養兵止二十三萬京師十萬餘

諸道十萬餘使京師之兵足以制諸道則無外亂

合諸道之兵足以當京師則無內變外內相制無

偏重之患承平百餘年蓋因於此

嘉祐中宋庠言祖宗收方鎮之權常欲畿

甸蓄禁兵四十萬

陳師道曰開封無山川之阻為四

戰之地太祖以兵為衛畿內常用四十萬人

太祖言

可以為利百代者唯養兵也方凶年饑歲有叛民而無叛兵不幸樂歲而變生則有叛兵而無叛民

熙

豐時內外禁旅合五十九萬人元豐兵令悉以雄節之類升同禁軍由是禁軍始徧天下藝祖聚天下精兵以強京師取太原兵以為龍衛取幽州兵以為神武左右員寮本藩鎮廳頭也左射拱聖本諸州騎兵也忠節之軍陞自川陝虎翼之軍選自江淮皆總于三衙訓練精閑故坐制四方如臂運指國史論祖宗故事經武聖略所列將帥凡十四人李漢超至馮繼業自建隆二年以諸郡本城共百役或更戍他郡不徙以逸民力也

熙寧將兵

熙寧七年九月樞副蔡挺請置三十七將將有正副皆給虎符從之乃部分諸將總隸禁旅謂之將兵癸丑選使臣為將副河北十七府界七京東九京西四所領兵二十萬又分置陝西諸路將兵八年三月癸巳朔五路

置四十二將各七八萬人

熙河九郡延九環慶八秦鳳五涇原十一

元豐四

年二月乙丑東南諸路兵分十三將

淮東一淮西二浙西三浙東四江東

五江西湖北湖南全鄜福建廣東廣西邕州自六至十三

總天下九十二將

東南兵三千以

下唯置
單將

元祐五年十月二十六日密院修將官敕書成

紹興五年四月乙卯改鑄東南十將京畿第二將紹興

銅虎符 紹興十一年四月壬辰京東淮東宣撫使韓

世忠淮西張俊並為樞密使京西湖北岳飛為樞副乙

未詔罷三宣撫使逐司統制官以下各帶御前字入銜

鑄印給之依舊劄將來調發並三省樞密院取旨統

制官等各以職次高下輪入見五月庚子詔曰凡爾有

衆朕親統臨肆其偏裨咸得專達辛丑正總領官之名

各報發御前軍馬文字丁未遣俊飛往楚州總淮東全軍還駐鎮江

崇寧三衛

崇寧四年二月十日己酉置三衛郎中郎博士二十六日詔三衛郎為侍郎親衛勳衛翊衛皆有郎中郎天禧元年三月御史臺請增置常朝武官遂以慕容德琛等為諸衛大將軍率府率建隆元年以登州團練使李萬超為右武衛大將軍

建炎御營五軍

建炎元年五月丁酉命中書侍郎潛善兼御營使同知
密院伯彥副之六月甲子右相李綱兼使因楊惟忠等
所部為五軍本以行幸總齊軍中之政其後遂專兵柄
密府幾無預四年六月甲戌宰相范宗尹兼知密院事
罷御營使及官屬以其事歸密院為機速房馬自慶厯
後宰相不兼樞密八十餘年自此始復兼紹興三十一
年上將視師冬十月庚申以楊存中為御營宿衛使虜

平復免明年孝宗即位隆興元年六月十三日又以御營使命之然但自名一司掌殿前忠勇等軍非建炎之比也 御營使一員或二員以宰相兼副使一員以執政兼參贊軍事以從官兼提舉事務以大將兼其將佐有都統制統制已下官

建炎十軍

建炎元年六月二十八日詔陝西河北募兵各三萬京東西各二萬合為十萬創置軍號驍勝壯捷忠勇義成

龍武虎威折衝果毅定難靖邊凡十軍每號四軍每軍

二千五百人二年二月京畿至淮南募振華軍五百人

紹興五年十二月二日詔神武右軍改中護軍

隸江東宣撫

左軍改前護軍

隸淮東宣撫

後軍改後護軍

隸湖北襄陽招討

劉光

世所部為左護軍

隸淮西

吳玠所部為右護軍

隸川

王彥所部

為前護副軍

隸荆南

十年十一月十八日淮北宣撫判官劉

錡招收使臣三百人効用一千人軍八千一百以補雄

威振華忠銳十八年四月殿前司募備軍一百三十六

人二十七年三月朔步帥趙密言神衛虎翼飛山雄武
舊額三萬九千五百請募兵補其缺三十年七月詔諸
路募三衙缺額禁兵隆興元年二月荆南募武勇效用
千人十月江西募效用勝捷吐渾雄威五千人 蘇轍
曰雍熙間天下之兵僅三十萬寶元慶厯間沿邊至七
八十萬自是天下以百萬為額 關中兵至二十八萬
強兵莫如沿邊之土人情兵莫如內郡之禁旅 呂大
忠曰 闕

邊鄙邊鄙之患輕在

禦敵而重在養兵

建炎諸軍團結

建炎元年六月乙亥同知密院汪伯彥請兩河京東西

增置射士縣五百人置武尉掌之縣令領其事凡四縣

置二將江浙淮南大縣增二百人小縣二百從之

十一月辛

亥增福建十二月乙酉增二
廣二年五月庚戌增湖南北丙戌李綱上三議一曰募

兵謂莫若取財於東南募兵於西北詔陝西河北各三

萬京東西各二萬人丁亥詔諸軍團結以五人為伍伍

有長五伍為甲甲有正四甲為隊五隊為部皆有二將

五部為軍有正副統率

一千二百五十人為軍

九月戊子朔詔罷

團結二年九月乙未詔諸路禁兵隸帥府土兵射士隸

提刑司即調發皆毋過三之一 紹興二年十月朱勝

非言屯軍二十萬月費二百萬緡十一月己巳呂頤浩

言陛下專意軍政揀汰其冗修飭器甲今張俊軍三萬

韓世忠四萬岳飛軍二萬二闕

十一萬三千劉光

世四萬老弱頗衆選之可闕

文神武中軍楊沂中

後軍巨師古皆不下萬人而御前忠銳如崔增姚端張
守忠等軍亦二萬臣上考太祖取天下正兵不過十萬
況今有兵十六七萬何憚不為三年十二月己酉上從
容語武備曰今養兵已二十萬有畸 紹興三年正月

甲子詔御前忠銳第七將徐文以所部屯定海縣聽沿
海制置司節制

建炎民兵

建炎元年八月丁卯三省樞密院奏以諸路民兵為忠

義巡社令憲臣提領張懋之為戶部尚書也建言河朔之民憤於賊虐自結巡社請依唐人澤潞步兵山河子弟遺意聯以什伍而寓兵於農使合力抗虜且從靖康詔旨以人數借補官資仍做義勇增修條例下之諸路未及行會許翰與京東西路安撫大使權邦彥繼以為言乃以忠義巡社為名自本院參酌闕其法五人為

甲五甲為隊五隊為部五部為社俱有長五社為一都

社有正副二都社有都副總首

闕二社共為一千二百五十人所結及五百

人以上開歲冬十月按試于縣仍聽守令節制歲中巡
官有差

社增耗者守貳令尉黜陟皆有差其法精審齊整可以
久行前此論民兵者皆莫及先是六月戊子張緯上給
田募兵法後不克行時京東留守宗澤沿大河鱗次為
壘結連兩河山水寨及陝西義士二年二月壬午詔募
河南北淮南土人有名籍者為振華軍以六萬人為額
五月戊戌河北制置使王彥以八字軍屯河南 紹興
五年四月戊午詔福建廣東帥臣措置團結瀕海居民

為社六月己巳罷福建諸州係籍槍杖手自熙寧間始
有之十二年五月甲辰陳充知揚州總領節制本路諸
州水寨民兵

建炎神武軍

建炎四年六月戊寅改御前五軍為神武軍御營五軍
為神武副軍其將佐並屬樞密院八月令神武中軍選
親兵通舊六百人不隸禁衛分三番於禁中直宿 紹
興二年九月癸亥上謂輔臣曰朕命楊沂中治神武中

軍皆宿衛兵也五年十二月庚子詔神武乃北齊軍號

久欲釐正宜以行營護軍為名

一闕 十闕 罷神武軍號中軍隸殿前司

乾道二年七月二十三日四川揀護衛兵隸殿前名神

武軍神武中軍舊止三部自楊沂中職殿巖始增為五

軍又置護聖踏白選鋒策選闕游奕神勇馬步凡十二

軍時江海之間盜賊間作分置諸軍控制之如泉之左

翼贛之右翼循之摧鋒明之水軍皆隸本司總七萬餘

人殿前兵籍為天下冠

紹興二十九年又置破敵軍

自興國幽薊

之師而兵籍日增康定慶歷間廣置義勇保捷宣毅萬勝諸軍其數一百二十五萬仰視開寶之籍不啻四倍雖龐籍汰省八萬人豈能救冗兵之害善乎韓琦之言曰祖宗雖以兵定天下然有征伐則募置事已則省故兵精而用不廣又就糧之兵不多邊陲有事則以京師之兵益之乾道中訓練兩浙弓兵名御前神武軍而殿前已有神武軍額八年二月二十三日改為忠武

建炎纂祖宗兵制

建炎四年七月詔王銍權密院編修纂集祖宗兵制其
後書成上覽之稱善賜名樞庭備檢

陳傅良曰國初州郡無禁兵著在令甲自騎射至牢城
名額二百二十三總為本城而已禁兵皆三司之卒分
屯更戍今屯駐泊之名而鈐轄都監監押之官所部
領也三邊之兵間因事宜升為禁軍者所謂四十四處
禁軍是已是為就糧自元昊叛而西北有保毅王倫起
而東南有宣毅於是列郡稍置禁軍至嘉祐中置威果

凡二十五指揮既云多矣亦無過九大郡要害之處熙寧按天下廂軍之籍五十萬人而不知戰於是教閱之法起其後以廂軍團併為額今兩浙崇節福建保節之類是已教閱之兵因別為額而隸之將下今兩浙雄節福建廣節之類是已方戍法之行也三司禁旅轉徙於四方而州郡廂軍大抵以供百役蓋勞之則易使散之則易養此藝祖神謀也自州郡各有禁軍三司之卒不出常坐食於京師於是養兵始為大患

紹興都統制兵 御前軍

唐天寶末置天下兵馬大元帥都統朔方盧龍節度都統之名始于此乾元元年李桓為都統淮南江東西節度使都統之官始于此唐制或總五道或總三道又有行營都統副都統一時兵興稱謂不一建炎元年五月以河北兵為御營五軍三年四月又更置御前五軍而劉光世所領西兵則謂之巡衛軍在五軍之外是歲又改為神武軍紹興元年十二月又改為行營四護軍十

一年四月三宣撫司罷乙未乃改其部曲稱某州駐劄

御前諸軍十八年五月甲申罷四川宣撫司川陝軍亦

如之楊政改充御前都統制其軍皆不隸三衙

詳見官制

韓

世忠之軍還鎮江惟背嵬一軍赴行在渡江後諸將為

統制軍馬必以資序帶六等兵馬 淳熙十一年樞臣

周必大以荆鄂二帥勢均力敵乃合為一司鄂為正荆

為副嘉定戊辰改雄淮軍為武定 乾道六年正月詔

殿司水軍改為御前水軍 都統駐劄之地沔州興元

金川江陵鄂州池州江州鎮江建康平江許浦

水軍又

利州有副都統制廬州強勇軍光州武定軍高郵武

鋒軍

紹興三衙兵

三衙諸軍殿前司本辛永宗中軍部曲而益以他軍也
馬軍司本王彥部曲而益以解潛劉錡田晟之軍也步
軍司本顏漸部曲而益以他軍也自紹興五年至七年
規摹始定然馬步不能敵殿司之半故楊存中權勢獨

盛乾道七年春移騎軍屯於建康以為出師之漸號馬

軍行司 紹興初內外大軍凡十九萬四千餘而川陝

不與宿衛神武右軍中軍七萬二千八百

右軍張俊中
軍楊沂中

江東劉光世淮東韓世忠湖北岳飛湖南王玠四軍十

二萬一千六百七年四月五日劉錡言行營前護副軍

并為十二將曰侍衛馬軍司 紹興五年十二月庚戌

廢神武中軍隸殿司以楊沂中主管殿司又以都督府

兵分隸三衙七年四月丙申復合馬司餘軍及八字軍

為六軍十二將命劉錡主之而解潛典步軍如故自是
三衙始復矣八年九月馬軍每十將為五軍九年三月
改衙兵為游奕軍始令殿前立神勇步兵一軍三十二
年隸步軍六月二十七日成閔請復還殿司名護聖步
軍以吳拱所領二千赴步軍司隆興二年三月二十八
日詔忠勇軍屬步軍司七月十二日詔馬司龍衛驍勇
武騎舊額一萬三千八百人今止八百八十九人宜以
二千人為額乾道二年四月鎮江武鋒軍隸步司八年

三月八日以西兵為御前游奕軍

孝宗又為護聖一軍
寓陰相維持之意

馬步之數通一萬
四千七百有奇也

紹興宿衛親兵

建炎四年八月三日中軍選親兵通舊為六百人分三

番紹興二年八月己亥

十二日

給事胡安國言自古盛王

雖用文德必有親兵成王即政周公指虎賁與常伯同
戒于王欲其知恤虎賁猶今侍衛親軍也康王初立太
保俾呂伋以虎賁百人迎於南門伋太公之子自諸侯

入典親兵猶今殿前馬步軍都帥也本朝命三衙分掌

親軍望修明軍政九月六日

癸亥

上曰朕命沂中治神武

中軍皆宿衛兵宜增修器械

五年十二月一日罷神武軍號中軍隸殿前司

三

年八月十七日宮門內殿門外建三衙管軍宿舍

凡三楹

六年正月趙鼎奏舊制三衙用邊臣戚里及軍班出身

各一人以示激勸七年七月五日密院言諸班直禁旅

舊額三千六百餘人今止五百餘人十二年十二月二

十四日

壬午

詔宿衛親兵非祖宗法罷之其三路人改為

皇城司親從親事先是楊沂中提舉宿衛親兵二年三月已酉除中軍統制

紹興制勝軍

三十二年十二月

孝宗未
改元

鎮江都統劉寶言昨罷宣司

背嵬一軍請置一軍補填以制勝軍為名詔令招効用兵一千人餘二千人選於步軍

紹興荆鄂民兵

紹興三十一年虜入寇詔淮漢等郡籍民為兵續威守

荆南請籍民為義勇其法取於主戶之雙丁十戶為甲
五甲為團皆有長又擇邑豪為總首農隙教以武事官
給其糧至乾道間舉七縣之籍得義勇八千四百十九
人淳熙初張栻為帥益修其政義勇增多至萬五百人
分為五軍軍分五部後四年趙雄又增三千三百人
一年通為萬三千八百餘人又紹興末武昌令薛季宣
冬亦求得故陝西河北弓箭手保甲法五家為保二保為
甲六甲為隊據地形利便則為總不限以鄉總首副總

首領馬諸總皆有射圃而旗幟亦別其色至今猶存紹
熙四年冬凡萬五千二百一人荆鄂二郡率四五家有
一人為兵

隆興復環衛

隆興二年五月八日壬辰進呈洪适周操討論環衛官
故事湯思退奏環衛唐時有職事本朝無職事祖宗舊
制自方鎮罷皆歸環衛先是上欲復祖宗環衛官四月
二十六日命學士院討論至是下詔曰祖宗選用將帥

以崇武節外建方鎮內則環尹品式備具近來久不除
授非所以儲才而均任也其依舊制應以才畧聞者令
兼領如節度使則領左右金吾衛上將軍承宣使領左
右衛上將軍之類既而閤門條具儀制詔以十員為額
朝參侍殿依御帶例宗室不在此制仍不差戚里及非
戰功人著為令二十五日詔臨安府建第舍以待環衛
淳熙四年二月二十三日立環衛官格其法正任除

上將軍

承宣使至判
史為正任

遙郡除大將軍

以階官領判史至
承宣使為遙郡

正使除將軍

武翼大夫已上

副使除中郎將

武翼郎已上

使臣已下

左右郎將

訓武郎已下

是時李顯忠首除左金吾衛上將軍

上曰在內則兼在外則否此正如文臣館閣庶可見人

才 太平興國二年五月癸亥安遠節度使向拱

換左衛上將軍張永德等皆罷節制歸環衛 元

豐二年十六衛大將軍二百九十四員將軍一百

六十二員並宗室 乾道八年四月以戚世明軍

政修除右千牛將軍令訓練土兵姚公贊右監門

中郎將

乾道民兵 神勁軍

乾道元年十二月十四日詔湖北保伍軍器仍存之八年十月十二日淮南漕臣馮忠嘉言教閱保甲民兵請如淮東三丁四丁取一五丁六丁取二真州無為二司分領教閱四年正月五日湖北王炎言荆南團結義勇民兵八千四百十九人給資糧假弓弩二十七日四川宣撫虞允文言興元路義士人材可用令晁公武訪陝

西弓箭手舊法得之瀘州蓋祖宗朝所頒凡一百四十

一條分十三門為一書令錄上

義士幼令格式名曰義士專法行之

五年

三月十二日允文言興元洋州大安軍義士二萬六千

一百四十人結成隊伍

興洋在紹興初義士在籍者七萬後僅存六千今公武籍興元

之丁增至一萬六千四百三十四人風聲氣俗傳陝服之舊安於弓箭手之良法

七年正月十

七日宣撫王炎言關外成西和鳳州有忠勇軍舊保甲

也請依十資格轉補

淮南萬弩營經始於紹興季年乾道五年十一月一日

復置名曰神勁軍命御前後軍統領教閱置寨于儀真
募萬弩手以本軍忠勇使効為名淮東之籍千四百淮
西之籍千六百六年二月真州置神勁營寨收萬弩手
一千五百九十七人往者大將別置一軍曰背嵬乃親
軍之稱九年十一月十五日馬帥趙撙以所領五軍騎
步各一千人為親隨選鋒軍詔可 紹興末孝宗命張
浚置御前萬弩營於建康癸未戍泗州甲申與虜鬪皆
有功乙酉講解散歸其家乾道中令徐子寅復置於真

州

冠帶犀胡詔勾世繼畏戰靡靡明主所憂
阜陵之成規宿師於內郡而移戍於邊城

淮西山

水寨民兵乾道五年九月二十四日詔參議官許子

中措置荆門民兵紹興三十一年荆門守臣姚岳籍

民兵置槍杖號強壯子弟號令齊一 湖南飛虎軍淳

熙七年八月置隸步軍司以一千五百人為額 治平

間於廣東潮梅循惠等州置槍手熙寧間於諸州

缺兵處增置保丁若廣西邕州之峒丁本以防遏交趾

而欽廉宜融平觀諸郡各有土丁欽廉之沿海宜融之

防過率以三等戶五丁取一至四等已下則戶以一丁充團結平觀則團結父子全丁並蠲其身丁稅錢紹興二年許中帥廣西始調羈縻州峒丁赴靜江防拓先是建炎元年十月庚辰命李棧提舉廣西左右兩江峒丁三年命廣西提舉峒丁李棧即邕州置司買馬七月乙巳命江西閩廣荆湖團揀槍杖手峒丁以備調發廣西自嘉祐間憲臣李師中帥臣余靖奏團結訓練土丁以備邊熙寧紹聖大觀以來修為成法每歲農隙分之

州縣更番教閱一月而罷庶幾寓兵於農之意

乾道兵額 忠銳軍 忠武忠勇軍

乾道三衙江上四川大軍新額總四十二萬八千人殿

司七萬三千人

元年七月十三日旨

馬司三萬人

二年正月二十日詔以二萬

八千人為額六年正月十五增二千人

步司二萬一千人

二年正月二十日旨 建

康統司五萬人池州一萬二千人

二年二月二日旨

鎮江四萬

七千人

二年十一月十一日旨

江州一萬人

四年十一月四日定

楚州武鋒

軍一萬一千人

九年四月十五日郭均招填

平江許浦水軍七千人

二年十月
十三日旨鄂州四萬九千人
二年十月九日旨後荆南
又增至五萬二千人

二萬人
二年十一月四日旨興州六萬人興元一萬七千人金州

一萬一千人
並三年正月二十四日旨

乾道四年六月一日詔諸州弓弩手團集教閱名忠銳軍五年正月十一日詔浙東弓弩手名御前忠銳軍置

正副准備將
三年罷忠銳第五將九年六月二日發忠銳軍歸本郡六年七月二

十三日復置御前弓馬子弟所隸密院八年春二月二十三日置忠武軍選二浙土兵弓手為之八月一日詔

二浙揀中廂軍名曰御前忠勇軍

劉沂兼統制

十一月十六

日罷二浙所發忠勇軍九年四月十五日密院言忠武

軍藝以精歸之州縣 天之壁壘象在羽林王之爪牙

職於折父 太微諸星有上將次將之位 章溝微道

畫警夜譟而殿岩以肅旄頭驅先旗別隊分而鹵簿以

整冠鶡衣虎鍛戟百重而仗儀以煥兕臣彪將供設職

嚴章佩銀黃綬紆紫朱

玉海卷一百三十九